

فقهنا


العدد

8

منشورات ذو القعدة ١٤٤٦هـ



تامر شيرين شوقي



إصدار موسوعة أعراف دينك للعلوم الشرعية والنشر الإلكتروني

الحمد لله رب العالمين والصلاة والسلام علي النبي
الكريم-صلي الله عليه وسلم-



يسر موسوعة اعرف دينك للعلوم الشرعية والنشر
الالكتروني نشر سلسلة جديدة وهي بعنوان: **(فضفضة**

ومنشورات فوسبوكية)، وهو جمع مبارك لمقالات ومنشورات الأفاضل مخصصة
لمنشورات شهر واحد من الشهور الهجرية مع اختلاف الأفاضل حسب الحال ولكل
مجتهد نصيب..

وهذا الجزء من السلسلة هو الجزء الثامن للأستاذ تامر شيرين شوقي ومنشوراته
لشهر ذو القعدة ١٤٤٦هـ.

وهناك سلاسل أخرى في الموسوعة: هذا ديننا-اقرأ-وهذه السلسلة فضفضة
ومنشورات فوسبوكية، ونسعي للتطور والترقي بموسوعاتنا الإلكترونية.

وبدأنا هذه السلسلة من شهر رمضان للعام الهجري ١٤٤٦هـ إلي ماشاء الله.

و نبدأ جرد منشوراته من آخر الشهر حتي أوله تنازلياً ..

والسلسلة لفرد واحد ومنشوراته وبغلافة خاصة.. ولكن بترقيم مستمر تصاعدياً إلي
ما شاء الله ويصدر منها من جزئين إلي ثلاثة كحد أقصى كل شهر هجري.. فتكون
مواضيعها بكل أعدادها وجبة ثقافية ودينية متنوعة بتنوع الأفاضل ما بين سياسة
وعلوم شرعية وفقه.. الخ

ونسأل الله تعالى أن يتقبل منا هذا العمل لوجهه الكريم ولا يجعل للشيطان فيه حظاً
ولانصيباً.. والله المستعان

مع تحيات

موسوعة اعرف دينك للعلوم الشرعية

هذا رجل قد اراد الله به خيرا
كثيرا..

هذا الشاب الأعمى الذي ابهرنا
جميعا بصوته و قراءته للقرآن فى
رمضان من الجامع الأزهر الشريف
اراد له الله ان يؤذن فى الناس من
اول مسجد مصري على الإطلاق



جامع عمرو بن العاص..

فجاء الصوت قويا خاشعا آسرا..

أريدك فقط ان تتخيل ان الشيخ الكفيف يقرأ القرآن و يؤذن فى الناس و يؤم الصلاة
شيخنا محمد جبريل...

تخيل الصوت و الخشوع و الرغبة و الدعاء و الاحساس...

بارك الله فى هذا الشاب و جعل ما يتلو فى ميزان حسناته يوم لا ينفع مال و لا
بنون إلا من أتى الله بقلب سليم..



فى اي بلد فى العالم ماعدا جمهوريات الموز و ممالك الورق و طبعا مملكة بمبوزيا ..
كان النهاردة ٢٧ مايو ٢٠٢٥ لا يمكن تصور طرح السؤال اصلا::
هو أحمد الطنطاوي يخرج و لا لآ النهاردة من السجن بعد أن انهى المدة المحكوم
بها عليه؟؟؟

ده سؤال فى الدول الطبيعية كان حيكون نكتة الموسم..

هنا... هو سؤال حقيقي

حتى الآن لا يمتلك احد المعلومة!!!!

لا محاميه

لا زوجته

لا عائلته

لا حربه

لا احد..

كله قاعد مستنى الأوامر!!!!

فى اى دولة فى العالم الطبيعية كان زمان هناك جحافل من الصحافة و الاعلام امام باب السجن فى انتظار تسجيل لحظة خروج الرجل و عودته إلى الحرية..

و كان امبارح حيكون يوم فى برامج التوك شو عن توقعات ما بعد خروجه؟
و تأثير السجن على مواقفه؟ و هل سيواصل مسيرته ام ينسحب من الحياة السياسية
و هل و هل و هل!!!

انما هنا الاعلام كله كاملا ما ذكرش الخبر..

العناوين الاعلامية عن كلب عض ابن فنانة

و بيع أوقاف الدولة و الافراج عن ٢٧٠٠ مسجون جنائي!!!!!!!!!!!!!! بمناسبة عيد
الأضحى و بيراميدز حيتأجل له الماتش و لا لأ..

دولة وهمية بزميطية بإمتياز..

لذلك يصدق الناس السوشيل ميديا رغم كل عيوبها و نوعية تحليلاتها..

لأن البديل الرسمي ابيض يا ورد!!! ملوش فيها

لا ادارة و لا اعلام و لا صحافة و لا عدل و لا الهوا..

هل يخرج طنطاوي؟؟؟؟

انا--كتحليل شخصي-- ارى انه سيخرج

استدعاؤه فى قضيتين سابقتين و إخلاء سبيله هو رسالة اننا نقدر نرجعك السجن

تاني اى وقت لو تخطيت الخطوط الحمراء او حتى البيضاء!!!

استدعاء زوجته [Rasha As'ad Qandeel](#) و خروجها بكفالة رسالة ثانية ان

الضربة القادمة قد تطال اهل بيتك ايضا..

رسائل تم ايصالها قبل ذلك إلى العظيم [يحيى حسين عبد الهادى](#) حتى اعتقلوه مرة
أخرى..

نتابع صفحة المحامي خالد على و رشا قنديل فى انتظار الأمل..

غباء سياسي غير مسبوق يصير على اغلاق كل ابواب الأمل امام المصريين..

فى الانتظار..



حضرتك مش واخذ بالك ان خناقات الطبقة الياليت..

طبقة ال crème de la crème زادت جدا؟؟

و ان مستواها لا يفرق شيئاً عن خناقات الحارة الواسعة؟؟

حضرتك لم تتسائل ليه؟؟؟

اقول لحضرتك..

لأن الطبقة الياليت زمان كان رقيها الاجتماعي متزامن و متوافق مع وضعها المالي..

يعنى مأصلين..

اتربوا على اصول معينة و تواضع من نوع معين و احترام للآخر مهما كان هناك

اختلاف فى الدين او الطبقة الاجتماعية..

فلما بيتخانقوا مع بعض حتتلاقى ان هناك كتالوج معين للخناقة..

ألفاظ معينة غير مؤذية

مفيش شرشحة و لا قلة أدب ..

اكيد مفيش مد إيد و لا بلطجة..

و فى الغالب بيتدخل الجيران او المعارف من نفس المستوى الطبقي و بيصالحوهم

على بعض بسرعة او يلموا الموضوع فوراً..

دلوقتى لأ..

تلاقى فنانة كلب عض ابنها مشرشرة لعضو مجلس شعب و مراته بتصوت لها فى

الشارع

و هما اللاتنين ساكنين فى أحد اعالى كومباوندات مصر!!!!

تلاقى كل الخناقات محاضر و اتهامات و معايرة و شتائم..

و وصلنا للقتل كمان!!!!

ليه؟؟؟؟؟؟

لأن الطبقة الياليت الجديدة اغنياء بس..

معاهم فلوس بس..

لم يصاحب هذا الغنى اي تطور اخلاقي مجتمعي..

يعنى هو اكتسب ثراء الطبقة الالييت بدون أن يكتسب اي اخلاق تتمتع بها هذه الطبقة..

فلسه بيتعارك و يتخانق بأسلوب الحارة الواسعة و خالتي فرنسا..

و علشان اللى بيتعارك معاه نفس قصته بالضبط::

غني فساد

غني سمسرة

غني رشوة

غني من الباطن

غنى كحول

فالرد بيكون برضه بمستوى الحارة الواسعة..

فتلاقى مستوي اخلاقى و لفظى متدنى جدا..

لأن الكتالوج مش موجود..

ناس زبالة بس معاها فلوس اغلبها حرام...

و ده بينعكس على تربيتهم لعيالهم و مستوى صرفهم و شكل لبسهم و نوعية

خروجاتهم و اماكن فسحهم..

طبقة فاكرة نفسها ايليت و هم شوية حوش..

فى زمن انقلبت فيه المفاهيم

و ضاعت فيه الاخلاق

و تغيرت فيه الأصول

و اختفت التربية السليمة

بقى عندنا شوية ارزقية فاكرين نفسهم حاجة

و مش طايقينك..

لأن فى اي مكان الفرق بينك و بينهم ببيان..

كنت فى حفلة فى اسكندرية مرة و لقيت ابن احد أشهر تجار المخدرات و كان عامل
فيها سياسي مهم و والدي انا شخصيا اللي حكم على ابوه بالسجن!!!!
فلما شافنى عرفنى..
فواقفين وسط ناس ظهرنا فى ظهر بعض..
فبيقول للناس اللي معاه انا بأبعت اجيب اللنش بوكس lunch box بتاع بنتى من
انجلترا..
رديت و قلت الله يرحمه البوكس الوحيد اللي كان يعرفه هو بوكس البوليس
الازرق!!!!
ساب الحفلة و مشى!!!!
غلطان فى حاجة انا كده؟؟؟
زمان قالوا ايه؟؟
يا ابويا قوم شرفنى
قال لما يموت اللي يعرفني!!!
بس خلاص

سلسلة كتاب

شوف يا مولانا..

انا من الناس اللي عارفة
قدرك العلمي و بأحترم ده
و بأحترم الأمل ان
حضرتك تكون على قدر
مسئولية هذا الزى...
بس طالما حنتكلم فى
الاوقاف..
فحضرتك يحضرني سؤال



ماري منيب::

إنّتى جاية تشتغلى ايه؟؟؟؟؟

هو حضرتك يا مولانا لا تعلم معنى و اختصاصات وزارتك؟؟؟؟؟

حضرتك الأماك كاملة ليست ملكا للأوقاف!!!!

ده تدليس و هجص و هبد و آسف فى اللفظ استهبال و سرقة

الأماك كلها ملك اشخاص وقفوها لأغراض معينة و وزارة الاوقاف تديرها لصالح

تلك الأغراض!!!!!!

ده مفهوم وزارة الأوقاف لو سيادتك مش واخذ بالك او لم يبلغك احد!!!!

حضرتك و بأكرر مع كامل احترامي لك و لعلمك و لقدرك::

مدير مالي..

دى وظيفة حضرتك:: مدير مالي

علشان كده من اول يوم من ١٩٩٥ و بنقول الاوقاف يمسكها متخصص فى المالىات

مش راجل دين..

و الأمور الدينية تعود لمكانها الطبيعي مؤسسة الأزهر الشريف..

فحضرتك كده يا مولانا بترتكب جريمة لها عقوبة دينية

يقول رسول الله صلى الله عليه وسلم::

مَنْ حَلَفَ عَلَى يَمِينٍ يَقْتَطِعَ بِهَا مَالَ امْرِئٍ مُسْلِمٍ بِغَيْرِ حَقٍّ لَقِيَ اللَّهَ وَ هُوَ عَلَيْهِ

غَضَبَان..

وفي اللفظ الآخر::

مَنْ اقْتَضَعَ حَقَّ مُسْلِمٍ بِيَمِينِهِ فَقَدْ أَوْجَبَ اللَّهُ لَهُ النَّارَ وَ حَرَّمَ عَلَيْهِ الْجَنَّةَ...

و انا مهما اختلفنا سياسيا جذريا فسأظل احترم علمك و قدرك

و ارجو من الله ان لا تعميك طيبات الدنيا عن رؤية الحق و اتباعه..

ده قرار يشبه وعد بلفور::

يبيع من لا يملك لمن لا يستحق!!!

بسم الله الرحمن الرحيم::

إِنَّ اللَّهَ يُحِبُّ التَّوَّابِينَ وَيُحِبُّ الْمُتَطَهِّرِينَ..

أملك المواقف ملك لأصحابها و حضرتك مسئول عن ادارتها بالنيابة عنهم للغرض الذي حددوه..

و السلام عليكم ورحمة الله

سلسلة كتاب

و ده عمرو دياب بعد ما قرأ
كتاب ال ٩٩ مقولة بتوع
الق//اتل ابن الوزيرة السابقة...
ابعدوا عني اليومين دول
علشان دمي كله بوستات دبش
يا عم الحاج عثمان...🤔🤔



سلسلة كتاب

اي عاقل يستمع لما يقال فى برنامج عمرو اديب مع صحفيين و أحد اشهر محامين
مصر سيعرف تماما انهم عصابة يابا..

عصابة لا يمكن أن تكون ثرواتهم بالحلال و لا تربيتهم سليمة...

و بتعيبوا على الناس؟؟؟؟

بتعيبوا على راجل مش لاقى يعيش عياله و لا يدفع لهم مصاريف مدرسة و ما داقش

لحمة و لا فراخ من العيد؟؟؟

قسما بالله ربنا يستر....

فوقوا...

انتم يا معاويج فاكرين اللي جاي ميدان التحرير و خيام و منصة و شباب يدهن

الرصيف؟؟؟؟

احا....ايوة احا مش احمس..

اللى جاي الناس حتدخل علينا بيوتنا!!!!!!
يا اهيل منك له!!!!!!
احنا الهدف...
هو عايز يأكل
لا عايز حرية و لا عدالة اجتماعية و لا يفرق معاه المعتقلين..
عايز يأكل عياله..
و هو عارف ان انا و انت عندنا فى بيوتنا اللى يأكل عياله!!!!!!
اقول لك حاجة يا بتوع العيب و الشماتة و يا حرام؟؟؟؟
حتى لو انت فى صف الغلبة حتتناكل!!!!!! و انا أولكم!!!!!!
ساعة الجد سلومة الاقرع ما يعرفش ابوه..
دى عصابات حاكمة..
ده وسط مريض..
احا...
اللى حيعيش دور المثالي الطاهر ما يلزمنش...
دى صورة بسيطة جدا جدا للى جاي!!!!!!
قابلوا....
لا حينفع طريق زراعي و لا صحراوي..
لا قبل لأحد بما هو قادم..
احا



الله يرحم السيد أحمد الدجوي و يغفر له و يصبر مدام نوال الدجوي على هذا الابتلاء
و يجعلها آخر الأحزان..

احتراما لحرمة الموت و حجم المصائب المتتالية لن اتطرق إلى اسئلة وجوبية
اجابتها غامضة و قاصرة عند جميع الأطراف حتى عند الطرف الرسمي فى بيانه..
و لكن هنا سأقدم توضيحا بصورة صريحة لا لبس فيها..

كل من يتهم السوشيال ميديا بأنها السبب فى هذه المأساة هو إما يعيش دور المثالية او ييحب اسلوب خالف تعرف و عايش دور ابن سلطح باشا..

●السوشيال ميديا لم تسرق

●السوشيال ميديا لم تقتل

●السوشيال ميديا سألت فى اغلب البوستات للناس المحترمة العاقلة::

●لماذا يتواجد هذا القدر من المال فى منزل؟؟؟

و خصوصا الجزء الخاص بالعملات الأجنبية دولار او استرليني..

●و هل القانون الذي يطبق على عوام الناس و آخرهم مصادرة اموال شاب مصري يعمل على منصة اليوتيوب و سجنه رغم وجود مصدر رسمي لتلك الأموال ..

سيطبق على علية القوم و اصحاب المصالح و النفوذ؟؟؟؟

●السوشيال ميديا العاقلة قدمت تساؤلات عن هل تم دفع حق الدولة فى هذه الأموال من ضرائب و تأمينات و خلفه؟؟؟

●السوشيال ميديا تسألت هل الارباح من التعليم(!!!!!!) تكافئ مرتبات العاملين فى تلك الماكن؟؟

و الغريب و الملفت ان احدا من كل الأطراف لم يجاوب على اي سؤال!!!!

هل التعليم هو مشروع استثماري؟؟

غرضه الربح؟؟

فإلقاء الاتهامات على السوشيال ميديا هو لا مؤاخذه حجة البليد..

او منظره فارغة..

او نعيش دور الأياكسكيلىا..

ابحثوا عن الحقائق بعيدا عن شعب يتحمل تلك الطبقة بالعافية ..

طبقة ٩٥% منها فاسدون و متربحون و مستفيدون من الفساد الحالي و السابق..

الرزق الحلال واضح...

لا يحتاج لا إلى خزائن سرية و لا إلى افلام هوليوودية!!!!

ننتظر التحقيقات الرسمية لنعرف الحقيقة....ان كان لنا كشعب حق معرفة الحقيقة..

أبي حد يدعي المثالية طوال الوقت اعرف على طول انه زبالة من جواه و واطي و
معقد نفسيا و عايش الدور..
الابيض و الاسود ده فوق
فى الجنة و النار..
هنا على الأرض كلنا رمادى..
رمادى فاتح لغاية رمادى غامق..
انما شغل الملائكة ده ما ياكلش معايا..
الله يرحم الفقيد و يصبر عائلته و يجعلها آخر الأحران..
بس خلاص



الكاوننت ده مش بيتكلم فى كرة القدم عموما..

النهادة استثناء..

من بوسنات الاصدقاء اكتشفت ان النهادة مباراة نهائي ابطال الدوري فى افريقيا!!!!
مانش بيراميدز!!!!

مش موضوعي اطلاقا ان التغطية الاعلامية مفقودة تماما و الخبر كأن فريق من
كوكب المريخ هو اللى حيلعب و ليس فريق من الدوري المصري!!!
مش مهم...مش القصة

فتحت ال bein sports 1 القناة اللى بتذيع المباريات الأهم عادة فى اليوم..
لقيت المباراة النهائية لصعود الفريق الثالث (الاول و الثاني بيصعدوا مباشرة) من
دورى التشامبيونشيب(الدرجة الثانية الانجليزية) إلى دورى ال EPL(الممتاز) بين
فريق ساندرلاند و فريق شيفلد فى ملعب ويمبلي!!!!

الملعب ليس به موقع لقدم...مليان بالكامل

مباراة خيالية ممتعة فيها كل حاجة..

كأنك بتتفرج على ليفربول او مانشستر سيتى او تشلسي!!!

كرة و خطط و رجولة و تكتيك و إثارة و مهارات و اهداف و تفاعل و كل اللي
انت عايزة..

اتفرجت للآخر و فاز ساندرلاند و رجع للدوري الممتاز..
فكرت...

ايه ده؟؟؟

احنا ايه القرف اللي احنا فيه ده؟؟؟

خناقة بين ٣ فرق فى اي دوري محترم فى العالم خالى من القاذورات و الفساد و
الرشاوي لازم ينزلوا درجة رابعة!!!

فريق انسحب امام الجميع و تتغير القرارات حسب تطورات ترتيبه فى الدورى..
نشيل ٦ نقاط و بيان شكلنا رجالة اوي و نضاف اوي لما كان الفرق بينه و بين
الفريق المتصدر صعب يتعوض!!!

لما الأمور اتغيرت لأ...

مش مهم شكلنا و لا فضايحنا و لا سمعتنا نخصم ٣ نقاط فقط علشان كده يكسب
الدوري!!!!

و فريق بينافسه اسما

حارس المرمي (فوت) عمدا المباراة امام عيون الجميع و عالم مريضة طالعة تبرر
و تشيد و تضحك!!!!

تقويت مباراة فى اوروبا الفريق ينزل درجة رابعة و اللاعبين المتورطين يتشطبوا
إلى الأبد..

فرنسا عملتها مع نادى مارسيليا فى عز عزه و نزلته درجة ثانية

و ايطاليا نزلت فريقها الاقوى يوفنتوس درجة ثانية فى نفس الموضوع!!!

و هنا بدل ما يتاخذ اجراء من اتحاد فاسد مكون من شوية حرامية!!!!

و رابطة اندية مكونة من اساتذة فساد و كلاب ولاد كلب اللابن و ابوه حرامية
رسمي!!!

لأ..تلاقى الفريق المديون تاني يوم التقويت بيسدد ملايين الدولارات غرامات متأخرة
و هو قبلها ب ٢٤ ساعة مكنش عارف يشتري سندوتش فلافل!!!!!!

منين الفلوس دى؟؟؟
جهة رقابية تتابع؟؟؟
اعلامي يتسائل؟؟؟
صحفى استقصائي يجاوب؟؟
مدى مصر و صحيح مصر تطلع بيان من اللى بيفضحوا به كل كذاب فى البلد
دى؟؟؟

هس....سكوووت...اعمل نفسك ميت!!!!
و فريق تالت نافخنا ليل نهار انه حيسحب استثماراته من مصر!!!!
اللى هي ايه؟؟؟؟
غير معروفة!!!
لا عنده نادى و لا ملعب و لا اكااديمية و لا اصول و لا زفت!!!!
استثمار؟؟؟؟ و لا استحمار؟؟؟
فريق لم يفعل شيئا إلا تخريب سوق اللاعبين المصريين و اعطاء شوية بسمجية
ملايين الملايين و هم التخين فيهم ما يسواش ١٠ آلاف جنيه فى الشهر!!!!
و تقول لى اكسبها!!!!!!!
يتحرق الالهلى على الزمالك على بيراميدز على اتحاد الكرة على رابطة الأندية على
الاعلام الرياضي على النشاط الكروي كله فى مصر..
اوقفوا هذا العبث لمدة سنتين او ثلاثة..
هاتوا ناس نظيفة لو لسه فيه ناس نظيفة و حطوا خطة واضحة لدورى نظيف و
تحكيم نظيف و سوق مالية نظيفة و سياسات انتقالية نظيفة و يكون دورى للأندية
ال جماهيرية!!!!
شغل الشركات ده يتعمل له دورى لوحده و اللى غاوي بيض يتابعه..

على فكره؟؟
بيراميدز عمل ايه؟؟
بس خلاص

#تامر_شيرين# كفاية# يكش_يولع# الحرية_للمهندس_ليحيي_حسين_عبد_الهادي
#الحرية_للمعتقلين



يعنى من ٣ سنين ابنك ارتكب
جريمة قتل مزدوجة فى امريكا و
التحقيقات اثبتت كمان انه منحرف
جنسيا و احتمال يواجه عقوبة
الاعدام...

و كان شغال فى شركة ليلي بنس و
خلينا ساكتين مين ليلي بنس و اشتغل
هناك ازاي..

سكتنا و قفلنا بقنا و قلنا خليك سياسي
محترف و اخطاء الابين لا تحاسب
عليها الأم..

و يكفيها ما هي فيه..

اعمل حساب لإسكندرية و لرشدي و

لسان جان انتيد و اسكت..

انما النهاردة حتطلعوه مصلح اجتماعي؟؟؟؟؟؟؟؟

ملهم للشباب؟؟؟؟؟؟

احمس لا مؤاخذه من غير أس من اصله!!!!

ايه التصريحات دى و ايه الفجر ده و ايه البجاجة دى؟؟؟

اذا بليتم فاستتروا!!!!!!

مؤسسة؟؟

كتاب؟؟

نهضة مصر؟؟

داليا ابراهيم؟؟

بنت الراجل اللى دخل مجلة تان تان مصر؟؟ و بتطبع مجلة ميكي لغاية النهاردة؟؟
يعنى مؤسسة اغلب اصداراتها للأطفال حتنشر كتاب عن قاتل منحرف جنسيا بيقدم
تجربته للآخرين؟؟؟

ده بجد؟؟؟

ده حقيقي؟؟؟

ده طبيعي؟؟؟

هي البجاجة آخرها فين فى البلد دى؟؟؟

هو برقع الحيا ده خلاص بقى موضة قديمة؟؟

هو فى ايه؟؟؟

انتم عايزين ايه من الناس؟؟؟

ده انا اللى مش طابق ميتين ابوكم عمال اقول للناس الطريق الزراعي الطريق

الزراعي الطريق الزراعي لغاية لما الناس زهقت..

و انتم فاتحين على الخامس فى الطريق الصحراوي

عيني عينك الفجر و الفساد و الغباء؟؟؟

يكش تولعوا نفر نفر..

احمس...و تحتمس كمان..

بلا قرف

[#تامر شيرين #كفاية #يكش يولع #الحرية للمهندس ليحيى حسين عبد الهادي](#)

[#الحرية للمعتقلين](#)



من ضمن خطوات الإصلاح المالي للطبقة المتوسطة خصوصا و لجميع الوظائف
عموما بقوة القانون::

ان المرتب حيكون ١٥ شهر و ليس ١٢ شهر::

ال ١٢ شهر الميلادي العاديين جدا..

شهر إضافي قبل شهر رمضان مباشرة

نصف شهر قبل عيد الفطر

نصف شهر قبل عيد الأضحى

و مرتب ١ سبتمبر حيكون شهرين استعدادا للدراسة فى المدارس و الكليات..

و يلتزم اصحاب العمل الحر بتطبيق ذلك و طبعا كل القطاع الحكومي ..

بشوية دراسة و شوية حسابات الفكرة ممكن تتنفذ..

سلسلة كتاب

لفت نظرى فى بوست مناقشة رغبة

رئيس الجمهورية فى تغيير نوعية

الماشية المصرية التعليق الهام جدا

المرفق..

هل فعلا تنقرض مهنة الفلاحة؟؟؟

مصر التى عرفت الزراعة من

فجر التاريخ ممكن ما يبقاش فيها

فلاحين؟؟

انا عندى مقدمة و شوية اسئلة

استحملوني رجاءا..

محمد زكريا شلبي

الاهم من البهايم

الفلاح اللي بيموت مالوش بديل ..

سينتهي سلسال المهنة في غضون

سنوات قليلة

الفلاح علم أولاده والاولاد اصحاب

مهن أخرى

والبنات اتعلمت والمتعلمة لن تربى

بهايم

4m Love Reply Hide 1



Author

تامر شيرين شوقي

محمد زكريا شلبي

واللى يقدرؤا يقدموا إجابات حقيقية ياريت يشاركونا الحوار..

اولا المقدمة::

انا راجل دقة قديمة..

يعنى لسه عندى دفتر الاستاذ رغم كل السخرية

لسه بأعمل اتخن عملية حسابية على يدي..

بأطبع الايميل و احطه فى ملفات مرتبة ابجديا 😊😊

اللاب توب عندى على المكتب لزوم المظاهر...انما انا راجل بتاع ورق..
صح غلط...تحت أمركم
لكن المقدمة دى مهمة علشان اوضح ان بعض الأسئلة القادمة لا امثلك إجابات
عليها..

●●السؤال الأول

هل ممكن الذكاء الاصطناعي و الروبوتات تحل محل الفلاح الحقيقي؟؟
هل يمكن زراعة و فلاحه الارض باستخدام التكنولوجيا الحديثة؟؟
هل ممكن واحد بقميص و بنطلون قاعد ورا جهاز يصبح بديلا للفلاح الحقيقي؟؟
و هل النتيجة النهائية ستكون افضل؟؟
كما و نوعا؟؟

●●السؤال الثاني::

لفت نظرى فى التعليق جملة لم تعجبني ..
المتعلم لن يربي بهائم..
انا قضيتى الاولى و الأهم هي التعليم..
و تعليق زي ده معناه ان التعليم ما بيطلعش فلاح حقيقي..
طيب ممكن متخصص يقول لى::
ايه نوع التعليم اللى ممكن يحصل عليه الفلاح و يساعده فى مهنته؟؟
محتاج ايه؟؟
ما نقوليش كلية الزراعة التى اعترف لها بالريادة و التخصص و التفرد و انها
أخرجت مصريين عظماء..
البنات فى الفلاحين..محتاجة تعليم ايه؟؟؟
يجمع بين تعليم حقيقي و تفاعل مع المجتمع بدون انتقاص لقدرها الاجتماعي او
نظرة المجتمع لها و تظل محتفظة بهويتها كفلاحه؟

●●السؤال الثالث::

ما مصير الارض الزراعية؟؟

نحل إزاي المشكلة الازلية بين المساحة المزروعة و التمدد العمراني و تقسيم الارض الزراعية(تفتيتها) بين الورثة و كل وريث عايز يبنى بيت على ارضه اللى ورثها؟؟؟
ايه الحل؟؟؟

نحتاج حل منطقي!!

●●السؤال الرابع و الاخير::

هل فعلا ممكن زيادة الرقعة الزراعية فى مصر؟؟؟

هل لدينا الموارد المائية الكافية لذلك؟؟

لو آه...ليه كل ما يتعمل مشروع من النوع ده يفشل و يطلع فنكوش؟؟

و لو لآ..ايه الحل؟؟؟

هل نقصر على زراعات معينة؟؟

نعمل ايه؟؟

الصفحة هنا عليها ٢ وزراء ري سابقين و أحد أساطير مصر الزراعية الناجحين
جدا و عمداء و اساتذة فى كليات الزراعة المختلفة..

هل هناك اجابات؟؟؟

هل هناك خطة طريق ممكنة؟؟

هل ممكن نصحى منلاقيش فلاحين فى مصر؟؟

ممكن نفهم؟؟؟

شكرا جزيلا..



انا عايز اعرفك يعنى ايه الدولة
العميقة فى مصر...
كان فى وزير مُعمر فى عهد
الرئيس مبارك وصل انه يبقى
نائب رئيس وزراء و حاجة
قيادية جامدة جدا فى الحزب
الوطني..
تدخل عليه بالطلب
صباح الخير معالى الوزير
ازاي سيادتك الطلب ده



بخصوص كذا و كذا

و تقعد تدش الكلمتين اللى انت حافظهم او اللى انت قابض من اللى مصدرك تدخل
بالطلب..🤔🤔

الوزير الثقيل المخضرم هو الـاين الشرعي الثقيل أوي للدولة العميقة..
عنده ٣ أقلام قدامه على مكتبه::

احمر

اخضر

ازرق

كل الطلبات اللى بتتقدم له بيوافق عليها بإبتسامه و يقوم بنفسه يوصلك لباب مكتبه
بعد ما تشرب قهوتك و تخلص الكلمة اللى انت جاي تقولها..
انما السر فى القلم اللى مضى بيه الموافقة..

لو اخضر..تمام..طلبك حيمشي غصب عن التخين و مهما كانت العوائق

ازرق..تمام...طلبك حيمشي لو مستوفي كل الشروط السليمة و الاشتراطات
المطلوبة

احمر..انسي

عند ام ترتتر..

لما تشوف حلمة ودنك..
المشروع ده تبلة و تشرب ميته
و كل واحد طالع من المكتب فرحان مبسوط مع امضاء نائب رئيس الوزراء و
الراجل القوي فى الحزب..
و هو واخذ على قفاه رسمي!!!
و مدير المكتب هارش الليلة و طقم السكرتارية هارش الليلة و كله زي الفل..
كان القرار يطلع من الرئيس مبارك شخصيا!!!!!! و يتعطل!!!!!!
ليه؟؟؟ علشان احلام يقظة او مشورة خاطئة من بهوات جاردن سيتى و الافتاء ليل
نهار...

يدخل عند الدولة العميقة المصرية بخبرة ٧٠٠٠ سنة توقف اتخن مشروع..
قطعا ساعات بتقلت مواضيع اكبر من أكبر وزير..توشكي مثالا
انما قصص كل يوم و طلبات النواب و احلام السماسرة كان بيقررها لون القلم..
فلما تسمع ان الرئيس السيسي عمل من ٤ سنين مشروع بتلو و فشل بعد ما اتصرف
عليه ٧ مليار جنيه..

و طالع امبارح لسه عايز يكررها تانى!!!!!!
تفهم على طول ان الدولة العميقة المصرية مش بخير..
و ان البلد دى بقت ملك شخص واحد فقط..
و اننا حنروح فى ٦٠ داهية و ٦٠٠٠ داهية كمان!!!
استمتعوا بالسيئ فالقادم اسوأ..

احمس اس ٤٧

بس خلاص

[#تامر_شيرين_كفاية_يكش_يولع_الحرية_للمهندس_ليحيى_حسين_عبد_الهادي](#)

[#الحرية_للمعتقلين](#)




الحقيقة انا مش بالعم موضوع امريكا
ده...

يعنى تانى يوم ما العالم كله قلب على
إسرائيل

و اسبانيا البرلمان أوقف صفقات
السلاح و وزير خارجية بريطانيا
طلع هزأ إسرائيل فى البرلمان و
فرنسا و ايطاليا و هولندا ببسبوا
لاسرائيل ١٠٠ ملة..

و بعد ما إسرائيل فتحت النار على



بعثة سفراء منهم سفراء دول غربية..

و الدنيا شايطة ..

يطلع الموضوع ده؟؟؟

و يقلب الصفحة على فلسطين بالكامل؟؟

و تصريحات مندة و ترامب متعاطف و سوسن بتصوت و مديحة بترقع
بالصوت؟؟؟؟

ما ياكلش معايا الكلام ده بنكلة..

تذكروا كل السوابق الإسرائيلية للإلهاء

من اول فضيحة لافون فى مصر سنة ٥٤ لما إسرائيل فجرت مباني أمريكية و
غربية علشان تتهم نظام الحكم المصري ايامها و اتفضحت
لغاية عمليات السابير فى ايران و تجسسها على امريكا نفسها و عمل تسريبات
اعلامية تؤدى إلى فشل المحادثات الأمريكية الإيرانية ..

التوقيت مريب جدا و غير مقنع و ما عدا فرحة وقتية فالعملية مضرة للمقاومة بلا
شك توقيتا و أثرا و ممكن نتتياهو ياخذها زريعة لمزيد من الدمار و القتل بدون
حتى ما دولة غربية تقدر تنتقد ..

مش عارف...

جايز انا غلط..

انما التوقيت فى منتهى الغباء..



يا banajir..ال bonjour

ده الواحد مكشوف عنه الحجاب بقى...

توتنهام كسب امبارح

و شلة السرسجية شرشحت لبعضها و بيفضحوا بعض بالأسامي علنا..

الف الف مبروك..

شوف يا سيدي من الآخر و للمرة الأخيرة::

الفرق بين النصاب و بين الدال على الخير بجد::

١-عايز ورق الحالة المتعسرة

●حاضر

٢-عايز رقم اتواصل به مع الحالة المتعسرة نفسها

●حاضر

٣-عايز عنوان الحالة المتعسرة

●حاضر

٤-عايز اروح بنفسى اشوف الحالة المتعسرة

●حاضر

لو ما سمعتش بنفسك حاضر فى ال ٤ اسئلة دول يبقى اللي قدامك نصاب..

الحجج بتاعة اصلهم متعفين و مش عايزين حد يعرف حالتهم>>نصاب

أمال انت عرفت حالتهم منين يا أذكى اخواتك؟

فى المستشفى و ممنوع عنه الزيارة و بأدخل الحاجات مع ممرض>>نصاب

ا.ب من حقك تعرف و تتأكد و تتابع أي مبلغ خير بتساهم به..

غير كده خد بالك..

كابيش؟؟

استأذنكم بقى علشان الحق اكمل قراءة بوستات السرسجية..
انا وصلت لما واحد من النصابين راح خرابة مهدمة فى قرية و عملها على شكل
تكية فى غزة و قاعد بيصور من غير أطفال!!!!!!
المهم العالم (الطيبة!!!)الى بعثت له فلوس مخدتش بالها ان ابن الغبية كل المنتجات
الى بيستخدمها مصرية؟؟؟
من اللى فى اي سوبر ماركت عادي؟؟
مفيش حته كده مستوردة..
قال يعنى مساعدات اجنبية؟؟
و لا هي غزة مفيهاش غير لبن بخيره؟؟؟
يا صباح السيجار و المنبار و الخيار..
إدريس...الكرباج السوداني يا إدريس
ده إحنا حنضحك ضوحك...للركب!!

سلسلة كتاب

معلش فاضي انا الأسبوع ده..
فكل شوية
بوست..استحملوني!!
ممكن السادة المسؤولين
يوضحوا لنا السفير المصري
اللى كان مع الوفد
الدبلوماسي اللى الإسرائيليين
فتحوا عليه النار هو سفيرنا
لدى مين؟؟؟



يعنى البيه السفير ببقى السفير المصري فى رام الله عند السلطة الفلسطينية؟
و لا السفير المصري فى تل ابيب عند ولاد الو...؟؟
علشان اصل يعنى لا مؤاخذه لو مفيهاش إساءة أدب يعني..
كنتوا قايلين و مفهمين الناس ان السفير المصري فى تل ابيب مش موجود..
سحبناه و كده...

و لو السفير ده عند العميل ابو مازن ممكن نعرف عدد الجالية المصرية فى الاراضي
الفلسطينية الخاضعة للسلطة الفلسطينية؟؟ و لمحة كده عن نشاط السفارة فى رام الله
و دورها..

معلش انا آسف فى الأسئلة السخيفة دى بس انا قاعد فاضي قلت استفسر!!!



نوال الدجوي :

أهمية الفصل بين الملكية وبين الإدارة
مع احترامي لهذه السيدة كرائدة للتعليم الخاص المميز في مراحل ما قبل الجامعة
وكسيدة أعمال ناجحة جدا
ومع اتفاقي مع من استهجنوا احتفاظها بتلك الثروة الهائلة في المنزل علي طريقة
شيوخ الخليج القدماء في بدايات ظهور النفط الذين قال أحدهم إن البنوك تغلق أبوابها
بعد الدوام وفي العطلات وأنا أحب أن أمتع نظري بأموالي وقتما أشاء
ومع تأييدي للتساؤلات عن هامش ربحها الذي يبدو أنه مرتفع بما لايتناسب رواتب
الأساتذة أو الإداريين والعمال وكذلك عن سلامة موقفها من الضرائب والتأمينات إلّا
أنني أري أن مصيبة المصائب عندها وفي كل مايسمي بالجامعات الخاصة هو
إدارتها كمشروع ربحي أو كمحل تجاري يديره المالك وحده لاشريك و تنقصه فقط
لافئة الحاج فلان وأولاده وعماله يرحبون بالطلاب الجدد !

أغلب دول العالم فيها جامعات خاصة لكن لأن الجامعات أهم وأرقى من ان تكون
مجرد مشروع تجاري ولأنها بوتقة العلم والبحث العلمي ومصنع العلماء والأطباء
والمهندسين و منتج الإدارة والصناعة فهي كلها تلتزم (أو بمعنى أصح تُلزم قانونا)


بمبدأ الفصل بين الملكية والإدارة وكلها تلتزم برقابة المجتمع عليها من خلال مجلس أمناء منتخب بحكم القانون أو مكون من أعضاء بصفاتهم العلمية والإدارية وحيثياتها المجتمعية المحددة قانوناً لضمان استقلاله وليس مجلس أمناء صورياً يختاره ويرأسه صاحب رأس المال كما هو حال الدجوي وجامعتها وكما هو حال بقية الجامعات الخاصة هذا المجلس المنتخب يشرف على الهيكل الإداري ويضع السياسات التعليمية و سياسات القبول ومدفوعات الطلاب وأجور الأساتذة والموظفين . كما تلتزم كلها بتمكين الطلاب من المشاركة في الإدارة والرقابة عن طريق اتحادهم الطلابي المنتخب. ومن باب أولي تكون للأساتذة لجنة نقابية تمثلهم وتدافع ليس فقط عن مصالحهم وحقوقهم ولكن أيضاً عن المستوى الأكاديمي وضمان عدم طغيان الربح على معايير قبول الطلاب وتخريجهم

طبعاً كل ذلك معدوم عند الحاجة نوال وغيرها من الحجاج أصحاب هذه الجامعات التي ليست فقط عزبا خاصة وإنما هي في أسلوب إدارتها نسخ عصرية من كتاتيب زمان بس من غير سيدنا ومقرعته وفلقته

أعلم وأوافق أن الذنب ليس كله ذنبها ففي نهاية المطاف هناك دولة لا تهتم أصلاً بهذه التطبيقات العصرية وهناك حكومة لهذه الدولة مشغولة بالتهرب من مسؤولياتها في التعليم والصحة وفي خدمات عامة أخرى كثيرة كما أن الجامعات الحكومية يقال فيها الأخرى ما قاله مالك في الخمر خاصة في أقسامها الممولة من الطلاب ولله الأمر فإن هلكنا فهو العدل وإن نجونا فهي الرحمة كما قال عظيمنا الراحل نجيب محفوظ



تحب حضرتك احط لك اكثر
من ٤٠٠ ايصال دفع
مصروفات لطلبة مدارس
حكومية غير قادرين فى
اسكندرية و كفر الدوار فقط؟؟؟
تحب حضرتك اقول لك ان
هناك مجموعة كريمة--
حتزل منى انى كتبت البوست
ده-- بدون بروباجندا و لا رياء
و لا اسماء و لا نفاق بتتولى ذلك
سنويا؟؟



و ان السنة اللى فاتت اتزقنا جامد؟؟
و لولا شخصين كريمين ساهما برقم غير متوقع كان صعب جدا الوفاء بهذا الالتزام؟؟
تحب حضرتك اقول لك اتزقنا ليه؟؟
لأن من ٢٠٢٣ اصبح هناك طلاب غير قادرين من مدارس تجريبية!!!
عارف حضرتك الفرق بين المصروفات الحكومية اللى فى أقصاها مبلغ ٧٠٠ جنيه
للفرد و بين المصروفات التجريبية اللى بين ٢٠٠٠ و ٣٠٠٠ جنيه للفرد؟؟؟
يعنى الطالب الواحد منهم ب ٤ طالب حكومي؟؟؟
عارف حضرتك السنة دى ٢٠٢٥ كام طالب مدارس تجريبية تم دفع مصروفاتهم؟؟
١١٠ طلاب!!!!!!

حضرتك فاهم ده معناه ايه؟؟
معناه ان طبقة كاملة نزلت درجات اجتماعية و اختلفت حياتهم تماما اقتصاديا و
اجتماعيا و بيلجأ إلى اهل الخير -- اللى هم اغراب عنه -- علشان يقدر يخلو
ابنه يكمل تعليم!!!!
عارف ده معناه ايه حضرتك؟؟؟؟

معناه ان كل اللي حواليه

الى ممكن يلجأ لهم من اخوات او اقارب او اصدقاء لا يستطيعون توفير مبلغ ٣٠٠٠ جنية زيادة لهذه الأسرة ..

و لو وفروه السنة دى مش حيعرفوا يوفروه السنة اللي بعدها!!!!
حضرتك حتقول لى كده يبقى لازم تدفع مصاريف ٥٠٠ طالب مش ٤٠٠ زي ما
انت كاتب!!!!

مضبوط....حضرتك صح

عايز تعرف حقيقة مرعبة؟؟؟؟؟؟

٧٢ اسرة رفضت رغم الإلحاح المتواصل ان أولادهم يستكملوا التعليم!!!!
آه والله زي ما بأقول لك كده!!!!

الاب و الام هي كمان عايزين الولد ينزل يساعدهم فى مصاريف الحياة
يشتغل فى مخبز مع سمكري صبي ميكانيكي يسوق توك توك..
أهل ٧٢ طالب من ٤٠٠ طالب يعنى ٢٠% قرروا انهم كده كفاية تعليم بعد
الاعدادية!!!!

لأن الدراسة بكل اسف لم تعد مدرسة بس..
لأ دروس خصوصية و كتب خارجية و مصاريف مخفية!!!! و دول احنا لا نستطيع
توفيرها لهم!!!!

حضرتك متخيل اللي انا كاتبه لك؟؟?
تحب المرة الجاية احكى لك شنت رمضان؟؟?
و ايه نوع البقالة التموينية اللي كانت بتتخط فيها لغاية ٢٠٢٤ و ايه اللي اتخط فيها
السنة دى؟؟?

كفاية ضغط على الناس نفسيا و ماديا...

سيبوهم يزقوا..

بلاش نفخة كدابه احنا اول من سندفع ثمنها!!!

بلاش عوجان و منظره و قرف!!!!

قول الحمد لله ان ربنا ساترها معاك فى بيتك و فى اهلك و فى عملك لغاية دلوقتى!!!

بطلوا تشتموا الناس اللي طالع بوز ابوها فقر و ذل و حاجة و غلب و هم و انكسار...
اه...٣٥٠ مليون جنيه رقم مستفز جدال ٩٥% من الشعب مهما كانت المبررات
و مهما كان مين اللي شايله!!!

لو واحد من الصحابة كانت الناس اتهمته!!!!!!
ده سيدنا عمر بن الخطاب اضطر بيرر و يشرح للصحابة ليه القماش اللي اتوزع
عليه--زيه زي باقى المسلمين بالسنتى-- نفع يعمل جلابيه له
و هو سيدنا عمر كان أطول من باقى الناس..

الناس اتهمت عمر بن الخطاب و مستكتر عليهم فى عهد الفساد يسألوا او يتغاضوا
او يستفسروا او حتى يحقدوا على واحدة حاطة ٣٥٠ مليون جنيه فى بيتها؟؟؟؟
كفاية بقى منظره فارغة...

اسكندرية اودة و صالة
مصر كلها اودة و صالة..
لو اي حد عايز يجيب اصل و فصل العالم اللي عايشة علينا الدور دى حيطلع
فضايح..

يا ولاد سلطح باشا..
دول كتابين...

معجم بشوات مصر و اسماء البلاط الملكي..
لو اسم جدك مش فيهم ما تتعوجش على الناس
و لو اسم جدك فيهم يبقى انت عارف انه عيب تتعوج على الناس..
و اوعى تنسي::

نصف الاسماء اللي فيهم بشوات تاوان اصلا..
مصر اودة و صالة..

محدث يعيش الدور على الغلبة يا ولاد ال....
أمراض نفسية قسما بالله..

بس خلاص



واحد مثالي أوي...قلبه ابيض اوي...عمر ما الغلط طلع من بقه..متربي خالص...جد جده سلطان مصر و جده الملك و ابوه قائد طابية بيسألني النهاردة:.

فطرت؟؟

الحمد لله

فطرت ایه؟؟

بيض او مليت..

بس؟؟

خدت معاه بيض مسلوق..

يا راجل

👤 و واحد بیض عیون..

بتهزر!!!

و کمان زودت معاهم بیض برشت..

کل ده بیض!!!!

ده الفطار بس... لسه البيض في الغدا و البيض في العشا..

و النبی علشان زهقت اكل بیض..

الناس المثالية أوي أوي..

الناس الكلااالس أوي أوي..

ارحمونا شویتین..

كفاية تتظير و كفاية بيض..

شعب مش لاقى ياكل و لا عارف يدفع مصاريف مدارس عياله و لا عارف يجوز

ولاده و لا يجهز بناته..

و الطبقة اللي كانت نظيفة بجد و بتساعد اللي تحتها بقت هي نفسها محتاجة اللي

يساعدها و شعب طالع ميتين أمه ٢٤ ساعة كل يوم

و لازم يصعب عليه واحدة ست شايله ٣٥٠ مليون جنيهه في بيتها؟؟؟

بأمانة ايه؟؟؟؟

شعب بيتحارب ليل نهار و بيشقى ليل نهار علشان عياله ياكلوا أى حاجة حرفيا..
و عايز رد فعل الناس على خبر خناقة على ٣٥٠ مليون جنيه متشالين فى بيت
تعتبره حقد و حسد و غيرة؟؟؟

احمس ٤٥٦!!!!!!

الشخص المثالي ده بيبقى أكبر كذبة و اكبر مدعي و اكبر نصاب...
مفيش حد فينا كامل..

احنا بس ربنا ساترها علينا..

فبلاش الناس البيض تعيش الدور على شعب كامل اتفقر و اتسرق و اتبهدل علشان
شوية لا مؤاخذه يتخانقوا على ٣٥٠ مليون متشالين فى بيت!!!!
بس خلاص



علشان بس المرارة و الضغط و سعر كرتونة البيض..

التعليم خدمة و ليس مصدر ربح!!!!

التعليم لا يهدف إلى الربح!!!!

التعليم الخاص ده اختراع مدمر و نتيجة منهجية لسوء ادارة ملف التربية و التعليم
فى مصر...

فما تعملش فيها جان دارك علشان انا لسانى أطول من محور ٢٦ يوليو..

كابيش؟؟

واحد تشيز او مليت و كتر البيض لو سمحت...احمس اس ٣٨



احتراما لحق الرد..

وصلني من اصدقاء اثق فيهم و اعرف نزاهتهم و اخلاقهم توضيحات خاصة
بموضوع السيدة نوال الدجوي..

خلاصة ما وصل::

ان السيدة من اوائل من عملوا فى مجال المدارس و الجامعات و ان ثروتها لا غبار عليها و سمعتها كشخصية و مدارس و جامعة جيدة جدا تربية و تعليما..
و ان سبب تواجد هذه الكمية الغير منطقية من الأموال فى فيلتها هو وجود خلافات بين احفادها بعد وفاة ابنها و بنتها تطورت إلى رفع قضية حجر عليها من احد الأحفاد ..

و انها سحبت تلك الأموال و وضعتها فى الفيلما تحسبا لأي قرار فى غير صالحها..
و ان السيدة نوال الدجوي هي من اهل الخير الدائم و التكفل بأسر فقيرة و إطعام مستمر من خلال جامعته المشهورة..
و قطعاً هي ليست كما يقولون ابنة اللواء الدجوي الذي اشتهر فى عهد الرئيس عبد الناصر بمحاكماته المثيرة للجدل..

هذا ما وصلني و اكتبه كحق رد مكفول لما كتبتة صباح اليوم..
هذا لا يمنع تساؤلات كثيرة عن كيفية السماح لأي شخص بسحب مبالغ كبيرة جدا من العملة الأجنبية من البنوك رغم كل التضييقات التى تتم على اشخاص آخرين رغم ثبوت مصدر العملة الأجنبية..
فى بلد::

القانون اجازة

و العدل على المزاج

و الأمن العام اختفى لصالح الأمن السياسي

و الاقتصاد منهار

و الأخلاق انتهت

و المجتمع تفكك

تعتبر الحقيقة بكل أسف من المحرمات...

بس خلاص



الخبر ده له معنى واحد
يا إما المدام ساكنة جوه
الCIB

يا ده بيت مال المسلمين
يا فى نفق بين البيت و
بين البنك المركزي..
شوفى يا دكتورة..
انا معنديش مشكلة مع
الرقم طالما بالحلال..و
دافعة ضرائب و مخلصه
التزامات عمالتك و



ملتزمة بالحد الأدنى من المرتبات حسب القانون اللى هو ٧٠٠٠ جنيه فى الشهر
لأول تعيين..

يارب ال ٥٠ مليون يبقوا ٥٠٠ مليون طالما بالحلال..

انما عندى سؤال معلى لو تسمحى لى:

سيبك من الذهب...حقك..مكانه البيت

سيبك من ال ٥٠ مليون المصري..ممكن اكون صاحبهم عندى صفقة عايزة رشه
خبثه و لا حاجة بعيدا عن البنوك..

ال ٣ مليون دولار فى البيت ليه؟؟؟؟

هو حضرتك زينا كده قلقانه من اقتصاد البلد؟؟؟

شايفه المصيبه اللى فى آخر الطريق و خايفه على شوية الأخضر اللى معاكى؟؟

عارفه ان لو حظيتهم فى البنك مش حتشميهم بعد كده و لا بالطبل البلدى؟؟

بالحلال بالحرام

معارض أو مؤيد

بتقول تحيا مصر و لا اللهم هجرة..

كل مصري عارف اننا رايعين فى داهية و لسه حنروح فى داهية كمان..

فالدولارات فى حضنى علشان الخلعان السريع وقت الجد..
هي الفلوس دى من ارباح--بسم الله ماشاء الله-- الجامعة الخاصة؟؟
ممكن اعرف المدير المالي عند سعادتك مسجلهم ايه؟؟
و حولهم لسيادتك كاش ازاي؟؟
و قفل السنة المالية ازاي؟؟
إلا بالحق؟؟؟؟
هو حضرتك عارفة حجم الشنط اللي تشيل ٥٠ مليون مصري؟؟ ٢٥٠٠ رزمة من
الورق ابو ٢٠٠ جنيه؟؟
و ٣ مليون دولار؟؟
٣٠٠ رزمة ميت دولار؟؟
و هاند باج صغير يشيل الذهب؟؟
ده مين اللي فاضي اوي ده اللي عارف مكانهم و مش قلقان يعد يعبيهم و يطلعهم
من الفيلا و محدش يشوفه؟؟
مفیش كاميرات؟؟
مفیش أمن؟؟
مفیش كلاب حراسة؟؟
مفیش خالص؟؟
الأقي جنب سعادتك فيلا فاضية فى كومباوند ال CIB؟؟
تكون بتطل على البنك المركزي؟؟
فكروني عملوا ايه ولاد الوسخه فى هشام جنية؟؟
باب زويلة بالحجز..

[#الحرية للمعتقلين](#)



الحمد لله رب العالمين

عندما تقوم دولة العدو و اجهزتها و
رموز اعلامها بمهاجمتي علنا فهذا
يكفيني..

يكفيني امام الله سبحانه وتعالى
عندما يسألني عن ما كتبت بقلمك
دفاعا عن فلسطين..

يكفيني يوم الحساب في الدنيا و
الآخرة ان طبقت حديث رسول الله
صلى الله عليه وسلم::

من رأى منكم منكرا فليغيره بيده
فإن لم يستطع فبلسانه
فإن لم يستطع فبقلبه
وذلك أضعف الإيمان...

و اقدم هذا البوست دليلا على التغيير بالقلب و اللسان حتى يأذن الله لي أن أغير
المنكر باليد..

يكفيني ان يضطر العدو إلى الدفاع عن عملاء الداخل من امثال تلك المأفونة و
اتباعها..

يكفيني ان تأتي مذمتي من ناقص فهذا دليل على إنني كامل كما قال المتنبي..
يكفيني ان ضميري مرتاح و عقلي سليم و بوصلتي صحيحة و إيماني بالحق لم و
لن يتزعزع..

إذا كان هذا هو الارهاب

فأنا زعيم الارهابيين..

اللهم ارنا الحق حقا و ارزقنا اتباعه

و أرنا الباطل باطلا و ارزقنا اجتنابه..

بسم الله الرحمن الرحيم



Edy Kohin

7h · 🌐

للأسف توجد حملة ممنهجة تجاة الدكتورة
الكاتبة العظيمة Dena Anwer من حثالة
الارهاب ومن يسموا بالإخوان المسلمين في
مصر ادعوا جميع الأصدقاء متابعيني الوقوف
مع الدكتورة دينا ونشر مقالاتها العظيمة التي
تدعوا الي السلام والمحبة للجميع .

#الدكتورة_بنت_الباشمهندس

Dena_Anwer#

#دينا_انور



الَّذِينَ قَالَ لَهُمُ النَّاسُ إِنَّ النَّاسَ قَدْ جَمَعُوا لَكُمْ فَاخْشَوْهُمْ فَزَادَهُمْ إِيمَانًا وَقَالُوا حَسْبُنَا اللَّهُ وَنِعْمَ الْوَكِيلُ ☆☆

فَانْقَلَبُوا بِنِعْمَةِ اللَّهِ وَفَضْلِهِ لَمْ يَمَسْسَهُمْ سُوءٌ وَاتَّبَعُوا رِضْوَانَ اللَّهِ ۖ وَاللَّهُ ذُو فَضْلٍ عَظِيمٍ..

صدق الله العظيم..

الحمد لله كما ينبغي لجلال وجهك وعظيم سلطانك..



الدكتورة بنت الباشمهندس شالت البوست!!!

علشان اللي بيقول ما تتشروش الكلام بتاعها يعرف و يتأكد ان نشرنا لمثل هذه القادورات و فضحها يردع اصحابها...

و لو هي عصفورة من مكان ما فهذا المكان قدر يقيس رد الفعل و يعرف الشعور الحقيقي للناس..

الفيسبوك هو الآن الإعلام المصري الحقيقي

و الصفحات القليلة الخالية من الهوى او التموضع الجبري او الانحيازات العمياء بتعبر فعلا عن شعور الناس و صوت الشارع..

كل التحية لكل من ساهم و علق و شارك و كتب عن هذه السفالة حتى إجبار تلك الداعرة على مسح تلك القذارة

و أخص بالذكر اكثر صفحة مؤثرة فى هذا الفضاء الإلكتروني

[Khaled Refat Saleh](#)

الرجل الذي يحب هذا الوطن حبا صادقا حياديا..

نحن اقوياء و صوتنا يصل و تأثيرنا مؤكد...و هذا الوطن يستحق افضل من ذلك..

اتذكر جملة خالدة لأستاذي المرحوم :: [Soliman Elhakiem](#)


مصر لا تحتاج إلى رجال دولة

مصر تحتاج إلى دولة رجال..

بس خلاص

الحمد لله رب العالمين..

[#الحرية_للمعتقلين](#)



سنة ١٩٩٤ يعنى من ٣١ سنة قام كاتب معروف اسمه علي سالم بزيارة اخرائيم!!!!

و الف كتابا اسمه::

رحلة إلى اخرائيم

و دعا إلى التطبيع مع الاخرائيين عادي!!!!

قامت الدنيا عليه و لم تقعد حتى وفاته...

تم طرده من اتحاد كتاب مصر

و تم مقاطعته صحفيا و ثقافيا و اصبح الظهور معه سبة لا تغتفر..

من ٣١ سنة كان مجرد تصور دعوة للتطبيع خيانة عقوبتها النذب من المجتمع بكل

اطيافه..

اليوم تظهر لنا هذه الدعارات الفكرية و القاذورات الاخلاقية و تعتبر ان الاخرائييم

اكثر قربا و مودة لنا من الفلسطيني..

الدكتورة بنت الباشمهندس خريجة آداب قسم الهرم فرع كازينو الليل تتغوط علنا

بخيانة موصوفة و تجد سفلة يؤيدون ما تقول..

الخيانة لم تعد وجهة نظر..

الخيانة اصبحت واقعا نعيشه..

الخيانة اصبحت رأيا و اتجاهها و منهجا و سياسه تجد من يؤيدها..
امثال هذه الشمطاء هم نتاج تجهيل الشعب بعدوه الحقيقي..
هؤلاء هم أول من سيعلقون على باب زويلة..
من يرفع علم فلسطين يعتقل و من يمدح اسرائيل يفتحون له ابواب الشهرة..
بئس للظالمين بدلا

[#الحرية-للمعتقلين](#)



حان الوقت
لإصدار قرار
سيادي ملزم
يمنع مهرج
القصر من
الظهور



الإعلامي و مواصلة فضائحه ..

كل معلوماته مصدرها اموات نقلنا عن اموات و الاحداث أبطالها كلهم اموات..
يأخذ جملة حقيقية واحدة و يضيف إليها اطنان من الكاذيب و الافتراءات..
فليتوقف مهرج القصر عن الكلام و ليتذكر انه كما حضر سير و أفعال اشخاص
كلهم اموات الآن فهناك من الاجيال الأصغر من حضر فضائحه و هفواته و هم
مازالوا احياء يرزقون..

يمكن الحديث عن إقالته و كيف تمت و لماذا

يمكن الحديث عن تصوير السيارة المرسيديس تحت شقة ما

يمكن الحديث عن الساعات الرولكس في السفريات الخليجية

و يمكن كذلك اضافة اطنان من الكاذيب التي تجعل سيرته اكثر سوءا من ما هي..

اوقفوا هذا المهرج عن الكلام..

فضزره كثير و لا نفع له..

الصورة للفت الانتباه..😏😏

مهم جدا قراءة تعليق الصديق

[Mohammed Mostafa Mousa](#)

هو صح و انا غلط..



حذرت و نبهت و قلت بدل المرة عشر مرات..

لا شئ اسمه إدخال المساعدات إلى غزة عن طريق افراد عاديين..

لا وسيلة و لا طريقة لذلك..

و كل من يقول انه يستطيع ادخال مساعدات نقدية او عينية فهو كاذب..

و من كان يستطيع ذلك من قبل--إذا كان صادقا و هذا مشكوك فيه-- فأكثر من

٩٠% من قيمة تبرعك تذهب سمسرة إلى تجار حروب مصريين و فلسطينيين و

اسرائيليين..

ال ١٠٠٠ جنيه لا يصل منها اكثر من ١٠٠ جنيه و الباقي فى جيوب النصابين..

هذا اصلا بافتراض قدرته على إدخال المساعدات..

الفيديوهات مفبركة..

و الفيديو الواحد يتكرر مئات المرات بنفس البضاعة بزوايا تصوير مختلفة و يتم

تغيير اسم المتبرع فقط..

عملية نصب كاملة تعتمد على تفاعل المصريين و طيبتهم و رغبتهم فى الوقوف مع

اخوانهم فى غزة..

اقول هذا بمناسبة اكتشاف صفحة جديدة(مرفق اللينك) لنصاب آخر

شاب مصري يدعى انه فتاة فلسطينية و يجمع التبرعات على حس منشورات

عاطفية..

يا سادة

يا كرام

يا اصدقاء

هل يعقل فى مثل الظروف التى يتعرض لها أهلنا فى غزة ان يجلس احدهم ٢٤ ساعة على الموبايل يكتب بوستات؟؟؟؟

هل هذا منطقى؟؟؟

هل منطقى ان ينشر (نصاب آخر) خبر استشهاد زوجته و ابنه و بنته قبل ساعة وهو اول ما يفعله يكتب بوست؟؟؟؟

هل مصيبة بهذا الحجم اول ما سأفعله هو كتابة بوست؟؟؟

هؤلاء نصابون محترفون..

و فى أحسن الاحوال يبحثون عن انتشار للبوست و لايكات..

الحصار فى غزة محكم..

المنظمات الدولية عاجزة عن اختراق الحصار!!!!

انت بقى بسلامتك بخط فودافون كاش عرفت تضحك على العدو؟؟؟؟

اذا كان الكاتب مجنون

فالقارئ لابد أن يكون عاقلا

نصب صريح..

نصب واضح..

نصب بواح..

اذا كنت تريد فعلا اىصال تبرعك لداخل غزة فالمؤسسات المصرية المضمونة هي الهلال الأحمر المصري و مؤسسة الأزهر الشريف و معهم مؤسسة مرسال من المؤسسات الخاصة..

و ايضا حتى لهؤلاء لابد من انتظار فتح المعابر.. فهم ايضا لا يستطيعون ادخال كيس سكر إلا بعد فتح المعابر..

لا تجعلوا عواطفكم تعمى ابصاركم عن الحقيقة..

النصابين فى كل مكان و يستغلون طيبة قلب المصريين..

انظر حولك..

ستجد فى محيطك العشرات ممن يحتاجون إلى المساعدات..

مصريين و فلسطينيون..

لا تتخذ ببوستات عاطفية

و لا تصدق صفحات تكتب بوست كل ٥ دقائق..

الا قد بلغت اللهم فاشهد

<https://www.facebook.com/share/19Hai7KRDx/>



هي الكلمات القوي
للرئيس السيسي من يونيو
٢٠١٣..

هي المرة الأولى التي يتم
ذكر إسرائيل علنا على
لسانه

و ربط جرائم غزة بالعدو
الإسرائيلي ..

خطاب قوي و لكنه يبقى



خطابا ..

كلمات قوية بكل اسف لا نستطيع ترجمتها لأفعال حقيقية..

أعطينا لمدة ١٣ عاما الأولوية لكل شئ خطأ على حساب كل شئ صح

و استعان النظام بالفاستدين من كل شكل و حذب و صوب..

فضاع الاقتصاد و ضاع النيل و ضاع الامان المجتمعي و ضاع الاستقرار و ضاع النفوذ..

فلما استفاقت الأجهزة اخيرا و أدركت كما كنت اقول دائما أن غزة هي الأمن القومي المصري و ان غزة هي قضية مصرية حاسمة..

لم نعد نستطيع بكل اسف الا ان نقدم خطابا قويا لا تصاحبه أفعال فى الواقع..
أريدك فقط ان تتخيل
فقط تخيل..

ان مصر دولة مستقرة شعبها آمن و ديونها فى الحد الأدنى و شبابها يتعلم تعليما
حقيقيا و الفساد كما كان واصل للركب و ليس كما الان يصل للرقبة!!!
تخيل هذا الخطاب و كلماته و مصر قوية و قادرة و لا تأثير لسياسات ملوك
الصحراء و أمراء الطوائف عليها..
خطاب قوي؟؟
مؤكد..

كلمات غير متوقعة؟؟
اكيد..

موقف جيد؟؟
أنفق..

و لكنه يبقى كلاما

لأنك سلمت بسوء ادارتك طوال ١٣ عاما من الاختيارات الخاطئة و الأولويات الغير
سليمة أفعالك إلى قرارات تصدر من عواصم أخرى لا تشاركك نفس مخاوف أمنك
القومي..

كلام ينقصه الفعل..

هو على رأي اصدقائي اللبنانيين يبقى::
طق حنك..

لو كان هناك من يقرأ و من يستمع و من يعلم اننا نكتب لمصلحة هذا الوطن الخالصة
لفهم- و من بدرى- جملة اكتبها من ٧ اكتوبر ٢٠٢٣::

غزة قضية مصرية..

غزة أمنك القومي..

غزة بوابتك الشرقية..

اليوم فهتموها؟؟؟؟

ان تأتي متأخرا خير من ان لا تأتي ابدا..

ننتظر ما بعد هذا الخطاب..

لعل الله يحدث بعد ذلك أمرا..

عشتم و عاشت فلسطين

[#تامر_شيرين](#)

الحقيقة منذ زيارة ترامب لقطر و ما صاحبها من احداث و توقيع عقود بالترليونات و طائفة عملاقة بدون أن ينعكس ذلك على غزة بكيس دقيق حتى!!!
و انا انفعالي مع قناة الجزيرة و محللين قناة الجزيرة و برامج قناة الجزيرة قد تغير...

لا انكر و لا يستطيع احد ان ينكر ان لولا قناة الجزيرة لم يكن لنا ان نطلع على الفضائ التي يرتكبها العدو في غزة بمثل هذا الوضوح
و لا انكر و لا يستطيع احد ان ينكر حجم التضحيات من استشهاد مراسلين و مصورين و طواقم اخبار من الجزيرة
من اول شيرين ابو عاقلة و حتى الأمس..
لكن اصبح في القلب غصة..
فلا ينكر احد أيضا ان الجزيرة هي قطر..
و ما كان لقطر ان تحوز كل هذه الأهمية في المنطقة لولا هذا العملاق الإعلامي..
لكن ما يقال على الجزيرة شيء..

و انفعال محلليها شيء
و ادعائهم معرفة مكان الجن الازرق و شرحهم لأدق التفاصيل و تحليلهم لكل تصريح..

و عدم تعليق اي واحد منهم على عدم انعكاس زيارة ترامب ايجابا على غزة كاشف و محبط و غريب..

لم يعلق احدهم على طائفة عملاقة هدية للدولة التي ترعي مصالح العدو رعاية كاملة!!!

لم يعلق احدهم على إرتفاع وتيرة القتل في حضور ترامب و معنى ذلك..

لم يعلق احدهم على اتفاقيات بالتريون دولار مقابل لا شئ لغزة..

هل سأتوقف عن متابعة الجزيرة؟؟

قطعا لا..

فمع كل هذه الملاحظات تبقى القناة الوحيدة التى تنقل لنا واقع إخوتنا فى غزة..
و لكنى سأتحفظ كثيرا على تحليلات الكثيرين من محليها و اربط دائما ما يصدر
منهم بمصالح أخرى قد لا تكون غزة و مصيرها و مستقبلها من ضمنها..

لك الله يا غزة...

لا وسيط حقيقي..

كلهم ضدك بدرجة او بأخرى..

كلهم يلهثون بإسم غزة نحو مصالح تخصصهم..

و يستغلون ضعف مصر و انزواء مصر و تقلص دورها عمدا ليركبوا على دور
لم يكن احد منهم اصلا يتصور يوما ان يكون طرفا فيه..

ليس هناك إعلام حيادي..

مهما حدث و مهما سمعت و مهما تأثرت و مهما رأيت..

تذكر دائما أن الاعلام موجه..

تختلف فقط درجه التوجيه و حرفته من دولة إلى أخرى ..

العيب مش على قطر و لا على الجزيرة و لا على ترامب..

العيب على من اوصل مصر إلى ما نحن فيه..

غزة قضية مصرية..

غزة بوابتك الشرقية..

غزة امنك القومي..

ان تركناها فدورنا قادم لا شك..

عشتم و عاشت فلسطين



انا شايف ان فى خناقة بين الخليج و
ايران على تسمية الخليج العربي و لا
الخليج الفارسي؟

يا عم....سهلة
لا ده و لا ده..

من هنا و رايح اسمه خليج ترامب
و اهو كله كده يبقى مرضى..
القوالب نامت و الارباع قامت!!
هي مش كانت القوالب نامت و



الانصاص قامت يا عم تامر؟؟؟
ما هم محصلوش انصاص..
دول ارباع و انا كارمهم كمان..
بس خلاص

سلسلة كتاب

منذ انتهاء الهدنة فى غزة يتراوح
عدد الشهداء يوميا من ١٥ إلى
٢٠ شهيد..

فى ال ٤ ايام التى قضاها ترامب
فى الخليج بلغ عدد الشهداء ٢٥٠
شهيد!!!

حوالى ٦٥ شهيدا يوميا..
هذه رسالة العدو إلى الخليج..
و هذه رسالة العدو إلى ترامب..
و هذه رسالة العدو إلى العالم..



افعلوا ما شئتم
صرحوا بما ترغبون
اضحكوا على من تريدون..
فى النهاية سنفعل ما نريد وقتما نريد كيفما نريد..
غشاء السيل أرجل و أنظف من هذه الحثالات الحاكمة و المحكومة..
فلا نامت أعين الجبناء..



لن اخوض فى الجدل الشديد الدائر الآن بين اشخاص مثقفين أكن لهم احتراماً كبيراً..
هل الخليج حر فى فلسفه ينفقها كيفما شاء على من يشاء و يمنعها عن من يشاء؟؟
هل المبالغ هي فعلاً ٣ تريليون دولار ام مجرد صفقات ورقية لإرضاء غرور ترامب
و القيمة الحقيقية ستكون أقل من ذلك بكثير جداً؟؟
هل يعقل ان يحصل ترامب فى ٤ أيام على هذا الرقم و تظل دول مثل مصر و
لبنان مكبله بالديون و المشاكل الاقتصادية و الاجتماعية التي يمكن حلها ب ٥% من
هذا المبلغ؟؟؟

كل ما سبق اسئلة مشروعة من طرفي الحوار الذي لا ارغب فى مناقشته لأنه لن
يؤدي إلى نتيجة..
●لى تعليق واحد فقط::

مهما كان المبلغ ٣ تريليون دولار او حتى ١٠% من هذا المبلغ
ألم تفكر دولة خليجية واحدة فى ربط جزء--أكرر فقط جزء-- من هذا المبلغ بفتح
طريق--اى طريق و اى وسيلة-- لدخول المساعدات الانسانية لغزة و اهلها؟؟؟
الم يكن من الممكن أن نحاول حتى؟؟
نقترح؟؟

لا أقول --حاشا لله-- نضغط

و لكن على الاقل نقول سيد ترامب::

ان جزءا مهما من استثماراتنا سيكون أسرع و اكبر اذا ما دخلت المساعدات الانسانية
غزة اثناء وجودكم هنا..

كما تم رفع العقوبات على سورية بكلمة من أجل إرضاء ولي العهد السعودي..
كان يمكن ادخال بعض المساعدات الانسانية لغزة إرضاءا للأمير قطر و ردا للطائرة
العملاقة الهدية..

لم يحدث و لن يحدث..

ليه؟؟؟

لأن غزة قضية مصرية فى الاساس..

ادرك المصريون ذلك من أيام أحمرس و الهكسوس

حتى أتى اليوم الذي يحكمنا نظام لا يعرف و لا يدرك و لا يفهم خطورة خسارة غزة
و تأثير ذلك على الأمن القومي المصري...

غزة كاشفة فاضحة..

غزة أظهرت كل الحقائق..

و سيأتي و قريبا اليوم الذي يدفع فيه الجميع من كرامتهم و استقلالهم و ثرواتهم ثمن
التخلي عن نصررة فلسطين
عشتم و عاشت فلسطين..

[#الحرية للمعتقلين](#)



هناك اختلاف يغفل عنه الكثيرون..

هناك فرق بين الرأي الشخصي و التحليل السياسي لأي موقف..

ممكن تكون بتحب ريال مدريد مثلا..

ده رأيك الشخصي..

انما لو حللت الدوري الاسباني فالوقائع بتقول برشلونة حيكسب الدورى مستريح..

نفس القصة فى السياسة..

رأىك الشخصى فى الخليج حاجة و تحليلك السياسى لما يحدث فى الخليج حاجة تانية..

رأىك الشخصى فى المقاومة حاجة و التحليل السياسى للأحداث فى غزة حاجة تانية
رأىك الشخصى حاجة و الموقف السياسى حاجة مختلفة..

احسن حاجة و يوم المنى أن يتفق رأىك الشخصى مع التحليل السياسى..
انما ا.ب كتابة عامة

لما حضرتك تكتب رأىك الشخصى تعلن ده..

تقول ان ده رأىك الشخصى و تتوقع أن يختلف معك البعض قليلا او كثيرا و بدون اسباب حتى..

لأن ده رأى شخصى..

انما لما تكتب تحليل سياسى فالوضع مختلف..

حزرتك بتقول يحصل كذا علشان كذا و كذا و كذا..

ده لن يحدث علشان واحد اتنين ثلاته..

و التحليل السياسى يترد عليه بتفنيد الرأى.. بالحجة... بالمنطق.. بالوقائع.. بالمعلومات المضادة..

انما كلمة اختلف معاك و تسكت..

ده مش اختلف.. ده إفلاس

انا رأى الشخصى ان انهيار العرب بدأ مع ظهور دول الخليج و قوة اموال النفط..
ده رأى الشخصى

التحليل السياسى ان دول الخليج ستقود القرار العربى على حساب الدول التاريخية
مصر و العراق و سورية و الجزائر على الاقل ٥٠ سنة قدام.. و لازم نجهز نفسنا
لكده و نبدأ نجهز سيناريوهات مختلفة للتعامل مع حقائق جديدة و أوضاع مختلفة..
ده تحليل سياسى..

حزرتك عايز تقرأ

ثورة ثورة حتى النصر..

و اذا مصر قالت نعم فاتبعوها

و ان اعلنت لاءها فاسمعوها

يبقى العنوان غلط...

دى أمنيات انا و حضرتك نتمناها لكن بكل اسف لا نمتلك حاليا بسبب حكم ضعيف

جدا و مشوار عودة طويل و صعب جدا إمكانيات تحقيقها..

حضرتك عايز تقرأ

$$2=1+1$$

اهلا وسهلا حضرتك فى المكان الصح..

هناك فرق كبير جدا بين الرأي الشخصي الغارق فى الوطنية و الاحلام و الامنيات

و بين التحليل السياسي المبني على قراءة الواقع بطريقة سليمة..

تمام؟؟

كابيش؟؟

صباح الخيرات



ده احسن تعليق اشادة بالصفحة من
يوم ما دخلت الفيسبوك!!!!
بجد...

اولا دى اشارة واضحة و تأكيد ان ما
يكتب هنا حقيقي و يعبر فعلا عن
الناس..

لأن لما واحدة مؤيدة للنظام الحاكم و
تهتم بمتابعة صفحة تدعي انها مليئة
بالإخوان و تكتب تعليقا(التعليق على
صفحتي مسموح به فقط للأصدقاء و
المتابعين فقط) بدلا من ان تعمل لي
بلوك..



فهي تعلم يقينا حتى و ان كتبت عكس ذلك أن ما أكتبه حقيقي و محسوس و تحرص
على متابعته و قرائته...

هل الصفحة مليئة بالإخوان؟؟
نعم...

دى حقيقة

و لكنها مليئة ايضا بكل التيارات السياسية و الاجتماعية الاخرى..
عندى ناصريين و ابناء مبارك و ملكيين و ساداتيين و سلفيين بكل انواعهم و
جهاديين و ملحدين و مسيحيين و مصريين و عرب و اجانب..
و قليل من المصريين..🤔🤔

ليه؟؟؟؟

ليه فى التنوع الغريب ده؟؟؟

● حاجتين::

لأن ما عدا فئة قليلة يتم التخلص منهم كلما ظهرت بقاياهم قدرنا نوصل اننا نلاقى
حوار محترم حتى إذا اختلفت الآراء..

طالما حضرتك بتكتب بإحترام و بدون إساءة لي او سخرية اهلا وسهلا برأيك مهما
اختلفنا..

و الحاجة الثانية ان الغباء السياسي الحاكم حشر كل المعارضة فى نفس الزاوية...
لأن الحكم أضعاف و مصمم على تضييع الوطن و حاضره و مستقبله و بارع ايضا
فى تدمير ماضيه..

لذلك عندما تكون المشكلة مشكلة وطن فكل التيارات بإختلاف توجهاتها تتحد و تظهر
فى القضايا الوطنية بقاعدة مشتركة حتى لو فى أقل القليل..

فالمغيبين من أنصار حكم فاشل سيتهموننا بما يرغبون و لكنهم سيقروا ما سأكتب
هنا لأنهم فى قرارة أنفسهم يعلمون ان هذا هو صوت الناس الحقيقي و ليس ابواق
المطباتية و إعلام السامسونج..

انا اشكر السيدة التى لا أعرفها على هذا التعليق الكاشف...

بالضبط مكتوب الرد عليها من ١٤٠٠ سنة

بسم الله الرحمن الرحيم::

وَجَدُّوْا بِهَا وَاسْتَيْقَنْتَهَا أَنْفُسُهُمْ ظُلْمًا وَعَلُوْا ۖ فَانْظُرْ كَيْفَ كَانَ عَاقِبَةُ الْمُفْسِدِينَ..

صدق الله العظيم

هذه صفحة مصرية..

لا يهتمها إلا مصير الوطن و مستقبله و رفعة..

صاحبها لا يريد لا منصبا و لا مقابلا و لا ذهب المعز و لا سيفه..

يريد أن يعيش و ينام و يموت مرتاح الضمير و الفكر..

بس خلاص



تابعت وقائع قمة ترامب مع حكام الخليج..

ما عدا امير الكويت الذى ذكر اسم فلسطين صراحة مطالبا بوقف الحرب غابت
غزة و مصيرها عن كلمات الجميع..

و هذا موقف يحسب للأمير الكويت صراحة لأن اثناء غزو العراق للكويت كان موقف
ياسر عرفات مؤيدا للعراق..

غابت كلمة إسرائيل تماما!!!!!!

كما لو كان نطق هذه الكلمة الآن حراما علينا..

عدو واضح خبيث يريد تدميرنا و يقولها و ينفذها علنا و نحن لا نجرؤ على ذكر
اسم إسرائيل بسوء!!!!

بئس العشير حقا!!!

كما العادة جميع الكلمات طويلة مملة تبدأ بدجاجات محفوظة مستهلكة و تنتهى
بفاصل من الشكر الممجوج..

مين الوحيد اللى كلمته كانت مختصرة جدا؟؟
محمد بن سلمان..

المؤكد ان اللى حواليه يفهموا..مكملين تعليمهم
مهما كان رأيك فمحمد بن سلمان بيلعبها صح!!!
طبعاً....السقطة الكبرى

هي توجيه الأمير محمد بن سلمان للأمير الكويت بضرورة اعادة توضيح جملة فى
خطابه و تأكيد وصف الحكم اليمنى الحالى انه حكم غير شرعى!!!
انا بابا ياولاً..

و ايضا جدير بالذكر ان البحرين هي ولاية سعودية تأتمر و تسير كما تريد لها
السعودية خصوصا فى السياسة الخارجية..

و كون البحرين من اوائل الدول الموقعة على الاتفاقيات الإبراهيمية فدى اصلا رسالة
سعودية اننا موافقين بس مستنيين الظروف و الوقائع التى تسمح لنا بالانضمام...
هواة السياسة سيجدون فى هذه القمة كل الاجابات على العشرية القادمة و ما سيحدث
فيها و اعادة توزيع الأدوار فى المنطقة...

أما هواة الایدولوجيا فسيظلون متمسكين بأفكار بالية اسقطتها الوقائع..

لو أحسنت مصر استغلال الفترة من ٢٠١١ و إلى الآن لكننا الآن النموذج الذى يتم
تسويقه عربيا و شرق اوسطيا..

لكن اضعننا فرصة هائلة للتغيير للأفضل...

حان الآن وقت مواجهة الحقائق..

لا قبل لأحد بما هو قادم..

بس خلاص

سلسلة كتاب

هو نقابة الأطباء بتكرم

ابراهيم عيسى ليه؟؟؟

طبيب مثلاً؟؟؟

اخترع دواء جديد مهم

طبيب؟؟؟

ساهم فى مشروع طبي؟؟

بنى مستشفى أو

مستوصف أو حتى



اشترى جهاز أشعة لمستشفى حكومي؟؟

كتب كتاب عن الطب؟؟

عمل ايه له علاقة بالطب و الأطباء علشان النقابة تكرمه؟؟؟

هي الناس دى بدرجاتها العلمية و الوظيفية دى ملهمش فيها خالص كده؟؟؟؟

اللقطة و خلاص؟؟؟

الشو و اتعشت على كده؟؟؟

ممكن افهم-- مع تحفظى الشديد و اختلافى الكامل-- ان جهة ثقافية تكرم ابراهيم

عيسى..

انما نقابة الأطباء؟؟؟؟

ليه؟؟؟

انا من رأى ان اكبر تكريم له اطلاق اسمه على لبوس بيرفع الضغط ..

يمكن يكون له فائدة..

الا حماقة أعيت من يداويها..

[#الحرية للمعتقلين](#)

سلسلة كتاب



هذه نقاط اولية لزيارة الرئيس الامريكى ترامب للمملكة العربية السعودية:.

● ليس هناك أي فرد من العائلة الملكية من آل سعود الملقبين بأصحاب السمو الملكي (يعنى لهم الحق فى تولي عرش المملكة) موجود مع ولي العهد السعودي فى استقبال او الاجتماعات مع ترامب..

فقط محمد بن سلمان

رسالة واضحة انا السعودية و السعودية أنا..

لا منافس و لا احد قادر على ان يعارض...

● لم يظهر الملك سلمان اطلاقا..

فواضح جدا أن الحالة المرضية فى مراحلها الأخيرة..

لماذا لا يستغل الأمير محمد بن سلمان الفرصة و يعلن نفسه ملكا؟؟

لأن فى هذه الحالة سيضطر إلى اختيار ولي للعهد!!! و هذا قد يفتح ابواب جديدة لمعارضته لأن الاختيار مهما كان سيكون تغييرا عن طريقة تولي العرش فى المملكة..

محمد بن سلمان فى النقطة دى فى منتهى الذكاء السياسى و الأمنى..

برافو..

● ليس هناك مترجم..

خطأ بروتوكولي فادح

و لكنه أيضا رسالة واضحة من الأمير محمد بن سلمان إلى ترامب و من معه-- و
مهم جدا كلمة من معه دى-- انا اتكلم لغتكم..
انا افهمكم بدون وسيط..

● سار محمد بن سلمان واثقا طوال اليوم و ترامب هو من يجرى ورائه..
لم يسمح لترامب بتجاهله او معاملته كما اعتاد معاملة الملوك و الرؤساء الآخرين..
حتى عندما لم يشرب ترامب القهوة لم يرمش لمحمد بن سلمان جفن و كأن هذا ليس
مهما رغم مفهومه كإهانته لمضيفك العربي..

● فى ولاية ترامب الاولى عندما حضر إلى السعودية و استقبله الملك سلمان اصطحب
ترامب معه بنته المثيرة جسديا ايفانكا إلى العرب و معها زوجها كوشنر!!!
و عاد إلى الولايات المتحدة الأمريكية محملا بمئات المليارات..
دى كانت فعلا زيارة حلب و نهب للخزانة السعودية.

اما هذه المرة.. فلما و الف لا

يأتى و معه ٣٢ من أهم رجال الأعمال فى العالم..

هؤلاء لا يحتاجون إلى مجاملة ترامب

هؤلاء الدقيقة عندهم بحساب و بفلوس...

و وصولهم إلى السعودية برابطة المعلم معناه ان هناك استثمارات حقيقية ممكنة و
رؤية مستقبلية قابلة للتحقق..

مهما كان رأيك فى الأمير محمد بن سلمان فهو نجاح فى اقناع الولايات المتحدة
الأمريكية برؤية السعودية ٢٠٣٠..

و قرر بمنتهى الذكاء السياسي ان يحافظ على السعودية بعد عصر البترول.. و ان
يجعلها شريكا مع اهم الاستثمارات العالمية نجاحا

حتى يضمن انهم لن ينقلبوا عليه مستقبلا او يخرجوا المملكة من حساباتهم ما بعد النفط..

و هنا ايضا برافو..

فهذه ليست زيارة لحلب و نهب الأموال كما الزيارة الاولى و لكنها الثلاثين حلب و نهب و الثلث لمصلحة السعودية حتى إذا كان الثمن مبالغاً فيه و الاموال المدفوعة اعلى من المفروض و لكن النتيجة النهائية ستصب لصالح السعودية..

●ترامب و الولايات المتحدة الأمريكية ترى فى محمد بن سلمان ملكا صغير السن يتكلم و يفكر بطريقة غريبة لا مشكلة له مع اخرائيم و سيسير فى الطريق الذي يريدون له ان يمشى فيه..

اختيار يجب ان يؤيدوه و فورا..

و ستضغط امريكا على اخرائيم لتقديم حل غير متوقع و جذري للقضية الفلسطينية تجعل السلام السعودي الاخرائيمي مسألة وقت و سيتبع ذلك سلام مع كل العرب...

●القرار الأمريكي برفع العقوبات عن سورية من قلب الرياض له ما بعده..

هل تترث الرياض الدور الايراني فى دمشق؟؟؟

ماذا عن اردوجان و تركيا؟؟

ماذا عن التماس المباشر مع اخرائيم؟؟

هل ستدفع السعودية فاتورة اعادة الاعمار السورية و من بعدها اللبنانية و الفلسطينية؟؟

و يتحول محمد بن سلمان إلى عبد الملك ابن مروان؟؟

المؤسس الحقيقي للامبراطورية الأموية؟؟

يتحول الأمير محمد بن سلمان إلى امبراطور العرب؟؟

و الامارات؟؟ ما موقفها؟؟

ده سؤال لسه لم تظهر اجابته بوضوح..

و ان كانت المؤشرات فى صالح المملكة حتى الآن...

●مصر خرجت تماما من المعادلة..

نتحول إلى دولة مثل تنزانيا او الكامبيرون..

دولة كبيرة زحمة فقيرة كلها مشاكل و ليس لها فائدة سياسية او امنية..

مصر باي باي بكل اسف..

و لولا قناة السويس لكنا نسيا منسيا..

اذا التحقت السعودية بركب التطبيع مع اخرائيم فالتأثير السياسي على مصر سيكون

محتوما و كبيرا و مرعبا و التغيير سيكون مؤكدا..

من القادم و اتجاهاته؟؟؟

لسه بدرى..

●الشرع عميل...

و من لا يرى ذلك

فأيدولوجيته تطغى على واقعه..

الشرع عميل..

الفائز الاكبر بعد ٢٤ ساعة من الزيارة هو الأمير محمد بن سلمان

انسي بقى خاشقجي و انسي محمد بن نايف و انسي كل ما فات سواء عاجبك ام لا..

محمد بن سلمان اثبت انه بيلعب سياسة صح..

و المستشارين ٢٠ على ١٠ مش ١٠ على ١٠ بس..

مفيش لا أيوزيبول و لا الحاج سعيد..

فى ايلون ماسك و ٣١ من اهم رجال الأعمال فى العالم..

امين عام جامعة الدول العربية القادم إما سعودي او من سلطنة عمان كمرحلة انتقالية

ثم يتولهاها سعوديين إلى أن يشاء الله

ماذا لدى مصر لتقدمه؟؟؟

لا شئ...لا شئ بجد

إذا اتجنن نتنيهاو و ضرب ايران قد تظهر اهمية مصر مرة أخرى ..
غير كده...النور فى آخر النفق يقل شيئاً فشيئاً..

برافو محمد بن سلمان..

تذكروا هذا اليوم...

كل موازين القوى التقليدية اسما و فعلا فى المنطقة العربية تتغير للأبد..
بس خلاص



مهم جدا جدا أن تقوم جهة بحثية حيادية بعمل قاعدة بيانات لعلماء مصر فى الخارج..
الاسم و السن و الدرجة العلمية و التخصص و الجامعة..

حتى نجد عند التغيير اسماء حقيقية يمكننا الاعتماد عليها فى مجال تخصصهم
علماء الخارج و علماء الداخل هم السبيل الاسرع لمواجهة اخطار اليوم التالي للتغيير
إن حدث...

حتى لا نجد وزيرا مزورا معاه اعدادية و لا وزير ناوي يصنع الدولار و لا وزير
صدفة و لا مجاملة..

بل يكون فى كل مجال هناك اسم و اثنين و خمسة يصلحوا للاختيار فورا و بدء
عملية العودة إلى الطريق السليم لرفعه هذا الوطن..

الا قد بلغت اللهم فاشهد

[#الحرية_للمعتقلين](#)





قبل ساعات من زيارة ترامب إلى السعودية..

نصيحة تطلع الكل كسبان..

اثناء زيارة الرئيس الامريكي ترامب للسعودية و بعد اجتماعه مع ولي العهد السعودي محمد بن سلمان يخرج البيان المشترك بإعلان وقف الحرب فى غزة خلال ٤٨ ساعة..

و تمارس الولايات المتحدة كل الضغط العلني و السري على إسرائيل لتنفيذ الخطة المعروفة المقررة من سنة كاملة ماضية للإنسحاب من القطاع و تسليمه الى ادارة فلسطينية..

يخرج الإعلام السعودي و يقول بملء الفم::

ما لم تستطع مصر و قطر فعله طوال ٦٠٠ يوم من الحرب قامت به السعودية فى يوم واحد و تستغل اذرعها الاعلامية فى تضخيم الخبر...

● يتم اعلان انتهاء الحرب..

● تصبح السعودية فعليا زعيمة العرب و تتحول هي إلى الشقيقة الكبرى و تحقق حلمها القديم من الستينات..

● تتم الفرحة الشارع الشعبي العربي و يتناسي الناس كعادة العرب كل ما حدث طوال ٦٠٠ يوم و يتم شكر و مدح السعودية على كل لسان المعارض قبل المؤيد..

● يصبح ولي العهد السعودي محمد بن سلمان رجل الشرق الأوسط القوي و يصبح توليه عرش المملكة بدون قلاقل داخلية او خارجية مؤكدا و مسألة وقت متى شاء..

● يعود ترامب إلى الولايات المتحدة الأمريكية ملكا متوجا بتحقيق السلام و جلب مليارات الدولارات..

● فى مباحثاته مع قطر و الامارات يطرح ترامب خطة اعادة الاعمار المعدلة برؤية مصرية بتاتش امريكي و تمويل خليجي..

● مصر تستفيد من اعادة الاعمار ماديا و يخف الضغط تماما على الفلسطينيين و يبدأ دخول المساعدات و يعود باقى الاسرى الإخرائيليين إلى اخرائيم و يهدأ الشارع الداخلي..

العيب الوحيد لتلك الرؤية ان نتتياهو سيخسر فورا مقعده كرئيس للوزراء الا اذا نجح فى تحويل انتصاره فى لبنان و سورية إلى قوة دافعة له للاستمرار .. ممكن؟؟؟؟

ممكن اذا كانت الأمور كما نراها فى الظاهر..

لكن هذه المنطقة العجيبة فى العالم خفاياها و خطاياها اكثر كثيرا مما يبدو لنا..
بس خلاص



حكم بالإعدام و المؤبد على ١٠٤
شخص فى يوم واحد فى جلسة
واحدة فى لحظة واحدة..

و لما توفي لم يحضر جنازته ١٠
أشخاص على بعض!!!!!!
لم تكلف الأجهزة نفسها بتحسين
صورته او إرسال من يملأ مشهد
جنازته..
بل تركته لمصيره وحده..
يقابل الله بكل ما صنع وحيدا مجردا



من سلطانه و نفوذه...

الا لعنة الله على الظالمين

ورقة كلينكس...

أدت غرضها و تم رميها فى اقرب مقلب زبالة..

أنا من معتبر؟؟؟

سلسلة كتاب



التعليقات على وفاة قاض و مرض اعلامي اشتهر بتطيله السمج و نفاقه الذي لا
ينقطع كاشفة فاضحة...

فى وفاة القاضي أكثر من ٦٠ الف تعليق على عدة مواقع اخبارية لا تجد واحدا--
واحدا فقط-- يترحم عليه

بل ناله من الدعاء عليه ما لم يحظ به كفار قريش أو اعداء الوطن..
و فى مرض الإعلامي حدث و لا حرج من دعاء ان ينتصر المرض عليه و ان
يشفى المرض من الإعلامي و تعليقات تتشفى فيه بصورة مرعبة..
هل هناك فى هذه الدنيا ما يجعل إنسانا يستاهل دعاء وطن كامل عليه؟؟؟
و ان يتمنوا له العذاب و عدم الرحمة؟؟

كم ستعيش فى الدنيا؟؟

٨٠ او ٩٠ سنة؟؟ ١٠٠ سنة؟؟؟

و بعدين؟؟؟

حتموت مهما حصل..

و حتتاسب مهما حاولت..

و ستخلد فى مكانين لا ثالث لهما

جنة عرضها السموات والأرض او نار موقدة..

و بعملك و صلاحك و سيرتك فى الدنيا تقرر بنفسك مكانك فى الآخرة..

يا ترى لو عاد هذا القاضي و قرأ نعي الناس له

هل يستفيق؟؟؟

هل يتوب؟؟

فرصته ضاعت و حسابه على الله

اما اشباهه من المطبلياتية و الفاسدين و المنافقين و الخونة فما زال لديهم فرصة تعلم
الدرس و العودة إلى طريق الصواب قبل ان ينالهم اضعاف أضعاف ما نال هذا
القاضي و هذا الإعلامي من دعاء و شماتة..

انتم شهود الله فى الارض..

بسم الله الرحمن الرحيم::

وَلَقَدْ سَبَقَتْ كَلِمَتُنَا لِعِبَادِنَا الْمُرْسَلِينَ ☆ إِنَّهُمْ لَهُمُ الْمَنْصُورُونَ ☆ وَإِنْ جَنَّادُنَا لَهُمُ
الْغَالِبُونَ ☆ فَتَوَلَّ عَنْهُمْ حَتَّىٰ حِينٍ ☆ وَأَبْصَرَهُمْ فَسَوْفَ يَبْصُرُونَ ☆ أَفَبِعَذَابِنَا

يَسْتَعْجِلُونَ ☆ فَإِذَا نَزَلَ بِسَاحَتِهِمْ فَسَاءَ صَبَاحُ الْمُنْذَرِينَ ☆ وَتَوَلَّى عَنْهُمْ حَتَّىٰ حِينٍ ☆
وَأَبْصَرَ فَسَوْفَ يَبْصُرُونَ ☆ سُبْحَانَ رَبِّكَ رَبِّ الْعِزَّةِ عَمَّا يَصِفُونَ ☆ وَسَلَامٌ عَلَى
الْمُرْسَلِينَ ☆ وَالْحَمْدُ لِلَّهِ رَبِّ الْعَالَمِينَ..

سلسلة كتاب

فتحت برنامج عمرو أديب قلت ده اسبوع سخن و احداث كثيرة نسمع رأي
السامسونج و الكفيل::

- الصاروخ اليمني على مطار بن جوريون
- الرد الإسرائيلي و تدمير مطار صنعاء و ميناء الحديدة
- وفاة البابا و اختيار بابا جديد عليه كلام كثير
- زيارة ترامب للشرق الاوسط
- مشاركة مصر فى عرض يوم النصر العسكري فى روسيا
- البننت اللي توفت فى الجامعة وسط ظروف مشبوهة
- و عشرات الاحداث التى رأيت ان استمع إلى رأي زعيم تيار السامسونج عليه..
- لكنه تجاهل كل هذا...
- و فتح قضية اهم بكثير و تؤثر على كوكب الأرض و الكواكب المجاورة..
- هل طليقة فنان متوفي من ١٠ سنوات هي مراته و لا طليقتة!!!!
- و محامين و ادعياء دين و صوت عالى و ٤٥ دقيقة شخط و موضوع الساعة!!!!
- ففقلت التلفزيون و بدأت فى اعداد اوراق الهجرة..
- يا أمة سخرت من جهلها الأمم..
- بس خلاص

[#الحرية_للمعتقلين](#)

سلسلة كتاب



بابا الفاتيكان الجديد امريكي المولد..

و يأتي انتخابه بعد صورة ساخرة لترامب الرئيس الامريكي برضه ينصب فيها نفسه بابا للفاتيكان..

اللعبة اكبر من قدرة اي شخص أو جهاز سيادي على الفهم..
العالم يتغير..

كل الثوابت تتغير...

هناك ترتيبات كبرى لحدث عظيم..

لا اعلمه قطعاً..

و لكن كل المؤشرات العالمية و التوترات الحالية فى كل مكان و كيفية معالجتها و
تغير التحالفات و موازين القوى تؤكد بقوة ان تغييرا هائلا سيحدث فى العالم..
موقعنا و مصيرنا فى مصر؟؟

بكل اسف يتغير العالم جذريا و مصر فى اضعف مراحلها التاريخية..

و قد سلمت امنها إلى اعدائها..

و افلست نفسها و شعبها بلا داع..

مصر مفعول به لأول مرة فى تاريخها..

بس خلاص

[#الحرية للمعتقلين](#)

سلسلة كتاب

تامر؟ انت حتاخذ صف الهند و لا صف باكستان؟

انا فى صف غزة...و اللى بيأيد غزة
و اللى بينصر غزة...و اللى بيتكلم عن غزة
انما اي حد حط جزمة فى بقه و سكت او هاجم او دلس او برر او عاش حياته او
نظم مهرجانات فيتحرق بجاز وسخ..
تتحرق الهند على باكستان فى يوم واحد..
كل اللى يهمنى سعر كيلو الفراخ البانيه..
موضوع الساعة الوحيد بالنسبة لى دلوقتي هو ماتش الإنترنت و برشلونه..
الهند و باكستان؟؟
مش سامع من الدي جي..
بس خلاص



مر أعرابي على قوم فقال لهم هل اقول لكم آخر نكتة؟؟
قالوا قل يا أعرابي
قال هناك قمة عربية يوم ١٧ مايو فى العراق..
فشخروا جميعا و شخر الأعرابي..

#تامر_شيرين_# كفاية_# يكش_يولع_# الحرية_للمهندس_ليحيى_حسين_عبد_الهادي
#الحرية_للمعتقلين_#



كل مرة الطيران الامريكي هو اللى بيضرب اليمن..
المره دى الطائرات الإسرائيلية بنفسها و علنا تضرب فى غارة قاسية اليمن..
الرسالة الواضحة المباشرة هي ان سماء المنطقة كلها مستباحة للعدو أي وقت و
لأي هدف..
لا موانع و لا اعتراضات و لا برقع حياء

و لم يجرو حاكم واحد غضنفر من إياهم ان يعترض!!!!
الطائرات تزودت بالوقود اثناء مرورها فوق الاراضي العربية!!!!!!
يعني ده اضعف موقف تواجهه طائرة مقاتلة !!!!
استباحة كاملة و تواطؤ كامل و خيانة موصوفة ممتدة من ابو رغال ايام ابرهة
الحبشي و إلى اليوم..
زماااان..
كنا بنصيف فى بيانكي العجمي و احنا شلة كوكو واوا مدلعة و لقينا عيال صيع من
المكس بيتخانقوا جنبنا..
الواد الصايغ بص على المايوهات الصفرا و الحمرا و قال جملة لم تفارق وداني
لغاية النهاردة::
ارجل ما فيكو مرة!!!!
الكلام ده من أكثر من ٤٠ سنة..
بس للحقيقة الجملة دى هي اصدق حاجة تنقال للسادة الملوك و الأمراء و الرؤساء
فى تلك المنطقة البائسة:
أرجل ما فيكو مرة!!!
بس خلاص



اتفاق لإنشاء منطقة لوجستية ببورسعيد

- عقد حق الانتفاع من المنطقة مدته 50 عامًا
- مصر ستحصل على 15% من الإيرادات
- موانئ أبوظبي ستتحمل تكلفة البنية التحتية الداخلية
- قيمة البنية التحتية الداخلية بين مليار وملياري دولار
- مصر تتحمل مسؤولية توفير البنية التحتية الخارجية

فنيا لا يستطيع تقييم ما حدث في المنطقة الاقتصادية شرق بورسعيد و التي تم ترسيثها كما العادة على الامارات..
انا غير متخصص..
بس اداريا- ودى لعبتي--
عندى عشرات الأسئلة::
● ما الرقم المدفوع مقابل عقد لمدة ٥٠ سنة؟؟
٢ مليار دولار استثمارات..
هل هذا الرقم يتناسب مع

المدة الزمنية للإستغلال (٥٠ سنة) و موقع المشروع و رؤيته المستقبلية؟؟

● هل العائد لمصر طوال مدة العقد ثابت؟؟

١٥%؟؟

ده تهريج ادارى..

لزام النسب تزيد كلما اقتربنا من نهايات المشروع..

يعنى اول ١٠ سنين مثلا ١٥% لمصر و ٨٥% للإمارات ثم ال ١٠ سنين اللى وراهم ٢٥% لمصر ٧٥% الامارات و هكذا..

انما رقم ثابت دى جديدة!!

● ثالثا هل هناك حد ادنى ملزم للإمارات لتوريده للخزانة المصرية سنويا؟؟؟

و لا الورق ورقهم و الدفاتر دفاترهم

و هو ده نصيب مصر أمضى و استلم و غور؟؟؟

هل هناك مراقبة مالية مصرية على الايراد؟؟؟

و هل لو هناك حد ادنى هل هو حد ادنى اقتصادي مرتبط بدراسات الجدوى

للمشروع؟؟

● رابعا العمالة::

هل هناك نسبة محددة عمالة و قياديين للمصريين فى المشروع؟

هل هناك نسبة محددة للأجانب؟

تحفظات على جنسيات معينة من العمل فى المشروع؟

مرتبات العاملين و نسب الزيادة و ضمان حقوقهم؟؟

● خامسا:: هل فى هذا العقد اى نوع من التحفظات او التعهدات على مصر بعدم

اقامة مشروعات منافسة للمشروع طوال مدة العقد؟؟

● سادسا:: لماذا الامارات دائما و ابداء؟؟؟

هو مفيش مستثمر كويتي مرة عجبته حاجة فى مصر؟؟

مستثمر فيتنامي؟؟

ارجنتيني؟؟

جنوب افريقى؟؟

اوروبي؟؟

هو مفيش غير الامارات اللى شايفاه المستقبل المشرق لمصر تحت حكم الرئيس؟؟؟

هل لا يتعارض تمكين الامارات من كل المشروعات ذات البعد الأمنى و الاقتصادى

مع الأمن القومي المصري؟؟

و لا ايه الحكاية؟؟؟

و لا ايه المطلوب؟؟

مهما كانت الاجابات على تلك الاسئلة--ان وجدت-- فكل ما تم بيعه غصبا و سرقة

و سمسرة و فسادا سيتم استرداده و بمنتهى السهولة..

ازاى؟؟ مش للنشر قطعا..

لكن هناك طرق و ليس طريقة واحدة لاسترداد كل ما تم بيعه من أجل اهداف لا

تتفق و أمن الوطن..

ان غدا لناظره قريب

بس خلاص

#تامر_شيرين# كفاية# يكش_يولع# الحرية_للمهندس_ليحيي_حسين_عبد_الهادي

#الحرية_للمعتقلين#

سلسلة كتاب

زرت النهاردة بدون سابق اعداد المتحف
اليوناني/الروماني فى الإسكندرية
مجموعة ملاحظات::

●● المتحف اجمالاً رائع بل اكثر من
رائع..

كل التحية و التقدير لمن ساهم و خطط
و طور هذا المتحف ليخرج بهذا الشكل
العظيم جدا و اللائق بما هو معروف عن
الحضارات المصرية القديمة..

يجب تكريم المصمم بإطلاق اسمه على
احد الشوارع المحيطة بالمتحف و ان



ينال وساما عالي المقام من الدولة المصرية..

●●ثانيا::

هذه قد تكون زيارتي الرابعة للمتحف منذ افتتاحه القريب..

لم أكن ابدا لوحدي

كان معي دائما إما الأسرة او اصدقاء او ضيوف اجانب فى الزيارات السابقة
اكتشفت كل مرة إنى كنت مركز مع أسئلتهم--بصفتى المثقف(المثقف) اللى فيهم--
- و اعطاء الأجوبة قدر الاستطاعة اكثر من تركيزي على المتحف نفسه..

اليوم انا مع نفسي..

استمتعت و تعلمت و راجعت معلومات و صححت اخطاء لنفسي و خرجت مستفيدا
جدا جدا من زيارة لست مطالبا فيها بالتركيز مع أحد..

درس مهم جدا..

ساعات الانشغال بإرضاء الناس يمنعك انت من ارضاء نفسك و زيادة علمك
●●ثالثا::

التذكرة ب ٤٠ جنيه و لمن هم فوق الستين ببلاش..
انا دفعت الصبح عند الفلاح فى طبق كبدة و ٢ حاجة ساقعة و كيس شيبسي ١٥٠
جنيه بالاكراميات..
هل الشباب اللى مرمية على القهاوي دى بتشرب كباية الشاي ب ٤٠ جنيه و اكثر
فكرت مرة تروح تتفرج على المتحف؟
حد فكر ازاي يجذبهم؟
حد فكر يتعاقد مع الكليات المتخصصة ان محاضرات معينة يتم عقدها فى قاعات
المتحف؟

الشرح على الطبيعة؟
حد متعاقد مع المدارس زيارة او اتنين فى السنة لسكان ايجيبت؟
يعرفوا تاريخ بلدهم؟
انا كنت لوحدي تماما الصبح
اتفهم كده يوم الاثنين الساعة ٩ صباحا..
بس سألت الأمن و الاستقبال(المحترمين جدا على فكرة) عن عدد الزوار اليومي..
و تراوحت الاجابات بين ١٥٠ ل ١٠٠٠ زائر يوميا..
حضرتك عارف متحف اللوفر فى باريس بيستقبل كام سائح يوميا؟
٣٠ الف!!!!(ده لغاية ٢٠١٩ حسب معلوماتي المؤكدة) و العدد اللى عايز يدخل
اضعاف...لكن الموقع الإلكتروني يسمح فقط ببيع ٣٠ الف تذكرة يوميا
و اكثر من كده فوت علينا بكرة!!!
انا اكيد مش بأقارن باللوفر

بس ١٥٠ او ١٠٠٠ ده رقم ضئيل جدا لمدينة عدد سكانها يقترب من ٧ مليون غير
الوافدين !!!
تاني اكبر شركة سياحة في مصر لرحلات اليوم الواحد للأجانب موجودة في
اسكندرية..

هل المتحف ضمن برامج زيارتها؟؟

محتاجين تسويق اقوي من كده..

●●رابعاً::

الصورة من المتحف لأقصى امتداد لفتوحات الإسكندر الكبير..

شوف الصورة تانى كده!!

غزة موجودة و دمشق موجودة و مصر طبعا موجودة..قبل ما تظهر اسماء كل من اغتصب ارض غزة و أرض فلسطين و يدمر حاليا سورية و يسعى بنجاح لتدمير مصر..

حتاخذ بالك كمان ان سواء الإغريق او الفرس لم يهتموا اطلاقا بما يطلق عليه شبه الجزيرة العربية..

منطقة لم يكن لها اى اهمية تذكر طوال التاريخ حتى ظهر البترول..
و ده درس لهم علشان يعرفوا ماذا سيحدث لهم عقب انتهاء الحاجة عالميا للنفط او ايجاد بدائل اقتصادية له..

ستعود تلك المساحة الخالية إلى ما كانت عليه..أرض لا يهتم بها احد لا تضيف للعالم شيئا..

دى ملحوظات على زيارة ناجحة جدا على المستوي الشخصي لمتحف مصمم بطريقة ممتازة و متحضرة ..

مصر تستحق افضل بكثير مما نحن فيه ..

مصر جاءت اولاً ثم جاء التاريخ..

اشكركم شكرا جزيلا..

[#تامر_شيرين_كفاية_يكش_يولع_الحرية_للمهندس_ليحيي_حسين_عبد_الهادي](#)

[#الحرية_للمعتقلين](#)



عندى مشوارين فى
محطة الرمل
ميعاد الساعة ٨ صباحا و
ميعاد الساعة ١٠ و
نصف..
نزلت..وصلت محطة
الرمل قبل الميعاد ب ١٠
دقائق تقريبا
ترن ترن... الى حاقبله



بيعتذر عن الميعاد لظرف طارئ..
لا يمكن اخبط مشوار محطة الرمل مرتين..
قررت افطر فى كبدة الفلاح و ادخل المتحف اليوناني/الروماني لغاية الميعاد الثانى..
كبدة الفلاح تمام التمام..
خلصت ٨ و نصف
المتحف يفتح الساعة ٩
قعدت فى ساحة الانتظار الى مكان المحافظة القديمة..
و بدأت اركز مع المعمار الى حواليا..
ايه الجمال ده؟؟?
العمارات احلى من المتحف!!
الارتفاع و التصميم و الواجهات و التاتش بتاع الرقي و الشياكة..
هو ايه اللي حصل؟؟?
ازاي تدهورنا كده؟؟?
ازاي فى ٧٥ سنة تحولنا من قمة الرقي فى البناء و التخطيط لدولة فاشلة
ان كان اصلا ينفع نكتب انها دولة!!!!

ممکن اغیر نظام الحکم من ملکی إلى جمهوري ...
بلاد کثیر عملتها قبلنا
ممکن اغیر سياسات رأسمالية إلى اشتراكية و العکس..
ممکن اغیر افکار و اهداف الدولة
بس ازای غیرت أخلاقيات و مظهر الدولة؟؟
ازای أصبحنا ما نحن فيه اليوم من بؤس و عشوائيات و تریسیکلات و توك توك و
شبشب بصباح!!!!
فرنسا اللى هي فرنسا..
باريس اللى بيدخلها عدد سیاح مساوي لسكان فرنسا کلها سنويا (٧٠ مليون) ما
عداش علیها ٢٠٠ سنة حضارة قسما بالله
برج ایفل و قوس النصر و المسلة المصرية و مباني شوارع الشانزلیزیه و سان
جیرمان دول مکملوش ٢٥٠ سنة..
اتغيرت فرنسا من ملكية إلى امبراطورية إلى ملكية إلى جمهورية
و فضلت محافظة على شکلها العام و رقیها الحضاري..
عارفين لیه اتبهدلنا کده؟؟
مش علشان الملك حلو و عبد الناصر وحش مثلا...خالص
فاروق کان ملکا رایحه منه و بعد الخدیو توفیق هو اسوأ من فی الأسرة العلوية..
و عبد الناصر تحبه او تکرهه هو صاحب المصانع اللى بنعيط النهاردة علیها و
صاحب مشروع اجتماعي حقیقي..
المشکلة فی الجهل..
المشکلة فی إهمال التعلیم.. المشکلة فی تعلیم کأن
و مدارس کأن
و جامعات کأن
و شهادات کأن
حتى اصبح ٩٥% من هذا الشعب جاهلا حتی و هو یحمل أرقی الشهادات..
لا لغة و لا ثقافة و لا تحضر و لا دین و لا خلق!!!

الجهل مدمر.. الجهل غول يبتلع أى حضارة..
الحل لا بمصر الملكية و لا مصر الجمهورية و لا مصر العربية و لا مصر الدينية!!!!
كل دى مش حلول طالما سمحت للجهل بالاستمرار و التسيد..
التعليم..
التعليم..
التعليم..
صلاح هذا الوطن فى التعليم..
صلاح هذا الوطن فى العدل..
التعليم يغير كل شى..
من غير تعليم تتحول مصر اول دولة فى العالم و اول وطن متحد فى العالم إلى
اقلية متنافرة و قبائل ما انزل الله بها من سلطان و نعرات مدمرة..
اصلحوا التعليم تنقذوا هذا الوطن..
لا سبيل آخر..
الا قد بلغت اللهم فاشهد
العلم يبني بيوتاً لا عماد لها☆☆☆
و الجهل يهدم بيوت العز و الكرم☆☆☆



سلسلة كتاب

كان فى نكتة زمان بيقولك رئيس
الجمهورية راكب طائرة و معاه ٢
سكرتارية..
واحد على مزاجه و الثاني الرئيس مش
طابق سيرته..
مرة واحدة الطائرة اتهزت جامد و شكلها
حتقع
و الطيار طلع و قال للرئيس::



الطيارة حمولتها زائدة و لازم حد ينط منها علشان نقدر نوصل فى سلام...

الرئيس الديموقراطي قال لل ٢ سكرتارية::

علشان انا بأحب العدل حأسأل كل واحد فيكم سؤال..

اللى ما يعرفش الإجابة هو اللى حينط من الطيارة..

بص للسكرتير حبيبه و قال له::

ايه بلد المليون شهيد؟

السكرتير اللى على الحجر قال له الجزائر..

بص للسكرتير الغلس و قال له::

قول لي اساميهم!!!!

نفس النكتة بالحرف بالمللى..

٣٨٢ ٤ مصنع؟؟؟

•فين عنوانهم؟؟

•مممكن نعرف ارقام سجلاتهم التجارية؟؟

•نشاطهم؟؟

•اسمائهم التجارية؟؟

•عدد عمالهم؟؟

•اسماء اصحابهم؟؟

•نوع المنتجات؟؟

•حجم التصدير؟؟

•اى معلومة يا كامل بيه..

اى معلومة مفيدة غير رقم همايوني بدون اى دلائل او مرجعية او معلومات..

انا اهبد إذن أنا موجود..

قول يا عم...قول

بحبها كمان..

حد حيعد وراك..

لا قبل لأحد بما هو قادم

بس خلاص

#تامر شيرين #كفاية #يكش يولع #الحرية للمهندس ليحيى حسين عبد الهادي

#الحرية للمعتقلين

سلسلة كتاب

فاز خالد البلشي بمنصب نقيب

الصحفيين..

خبر رائع و مستحق..

مبروك للنقابة سنتين قادمتين من

الحريات و مبروك لسلم نقابة

الصحفيين سنتين كاملتين من اعلاء

صوت الشعب فى كل وقفة عليه..

الملفت ان هذا الانتصار لم يفرح فقط

الصحفيين و لكن كل جموع

المصريين..

الرأى العام المصري بمختلف



اتجاهاته و وظائفه و طبقاته كله وقف خلف اعادة انتخاب البلشي نقيبا..

● و نجح خالد البلشي

●نجح ضد مرشح الحكومة

●نجح ضد اعلام السامسونج كاملا

من احمد موسي و الباز و الدندراوي و نشأت الديهي و كل من يسير على نهجهم

●نجح ضد وعود و منح الحكومة الكثيرة للمرشح الخصم

●نجح ضد مؤسسة الاهرام الذي فتح لأول مرة فى تاريخه صالة التحرير المقدسة

لتكون مكانا لدعاية انتخابية للخصم

●●●نجح خالد البلشي ضد الدولة!!!

و هنا كما يرى السياسي فى كل مصيبة نقطة النور وسط الظلام

فهو أيضا مطالب بأن يرى العصا الغليظة فى لحظات الفرح..
هذا النصر الساحق على الدولة و مرشحها مرشح للتكرار بل مؤكد تكراره فى كل
انتخابات حرة يترشح فيها معارض وطني امام مرشح حكومي مهما دعمته الحكومة
و اجهزتها..

النصر سيكون دائما لصالح المعارض ضد مرشح الدولة..
ستدرك الالجهزة هذا الدرس سريعا جدا و المتوقع و خصوصا ان عام ٢٠٢٥ عام
صعب جدا على مصر اقتصاديا و اجتماعيا و سياسيا و سيشهد ايضا انتخابات
البرلمان نواب و شيوخ

ان يكون رد الفعل بنفس الطريقة الوحيدة التي يعرفها هذا النظام الديكتاتوري..
المزيد من البطش و قمع الحريات..

اى نافذة حرية و لو صغيرة ستأتي للنظام فورا بالمرشح المعارض له..
● هامش الحرية الضئيل جدا اصلا سيتناقص..

● و قد تكون هناك حملات امنية لاعتقال اصوات معارضة خصوصا اذا تطورت
الأمور الدولية فى غير صالح النظام..

لا يعرفون إلا لغة البطش..

لا يعرفون الحوار و لا يقتنعون به..

انتصار البلشي بالنسبة لهم هو ليس مجرد هزيمة لمرشح للنظام
لا...!

هو هزيمة للنظام نفسه

مبروك البلشي..

و ربنا يستر من رد فعل الغباء السياسي و البطش الأمني

[#تامر_شيرين_#كفاية_#يكش_يولع_#الحرية_للمهندس_ليحي_حسين_عبد_الهادي](#)

[#الحرية_للمعتقلين](#)



خلاصة شهر أبريل الطويل جدا بعصافيره الكثيرة جدا و ردود الافعال المريضة
جدا..

أنه::

لا قبل لأحد بما هو قادم
و لابد أن تمر مصر بما حذرنا منه مئات المرات..القادم مرعب و دموي و مدمر
و التيار العاقل فى هذا الوطن يؤذن فى مالطا..
و الأمل مفقود حكاما و مؤسسات و محكومين ..
هذا الفيسبوك بجانب أنه إرهاب عصبى و نفسى و مسرح كبير للجهل و البذاءة و
الأمراض النفسية
فهو أيضا اهانة للكرامة الشخصية..
و وضع للنفس فى غير موضعها..
من اول شهر مايو سأكتفى بالكتابة على فترات متباعدة و فى أقل الموضوعات
الممكنة..

كنت تعتبرون التعليم مكلفا؟؟؟

حان وقت معرفة ثمن الجهل..

بسم الله الرحمن الرحيم
وَإِذَا سَمِعُوا اللَّغْوَ أَعْرَضُوا عَنْهُ وَقَالُوا لَنَا أَعْمَالُنَا وَلَكُمْ أَعْمَالُكُمْ سَلَامٌ عَلَيْكُمْ لَا نَبْتَغِي
الْجَاهِلِينَ..

صدق الله العظيم



الحكم بالمؤبد...

الحكم عنوان الحقيقة..

اذن الواقعة اصبحت مؤكدة قانونا

و بالتالى هناك تساؤلات::

- طالما صحت الواقعة لابد من محاكمة مديرة المدرسة و الدادة و المدرسة التي تغاضت عن شكوى الطفل ..
- يتم القبض عليهم و تقديمهم للمحاكمة محبوسين او على الاقل عزلهم مؤقتا من وظائفهم لحين انتهاء المحاكمة
- أقل شئ هو عزل كل من تواطأ على إخفاء الحقيقة طوال عام.. و اولهم محافظة البحيرة اذا ثبت تورطها..
- انصح عائلة الطفل بتغيير المحامي او اجباره على قبول زملاء آخرين خصوصا ان هذا لن يكلفهم شيئا و سيضمن زخما اكبر و تأثيرا اوضح على القضية..
- على الكنيسة المصرية اصدار بيان واضح لا لبس فيه انها مع القانون و ستقوم بالتحقيقات الداخلية اللازمة و ستعاقب كنسيا و وظيفيا اى متجاوز..
- يجب على الجميع أن يحافظ على القضية فى اطارها الجنائي و تجنب التعليقات الطائفية المريضة..

سلسلة كتاب



الحمد لله رب العالمين..

النهاردة الصبح و رغم كرهى لتناول تلك القصص طلبت فى بوست اعتبار قصة طفل البحيرة قضية جنائية و ليست دينية.. و التعامل معها على اساس جنائي و ليس دينى..

تلقيت تعليقات ضد ما كتبت من الكل تقريبا
و انتقادات و تشبيهات مريضة..
الحمد لله بعد أقل من ١٠ ساعات الفيسبوك كله بيتبنى وجهة نظري و يكتب الاغلبية
مثلما قلت..
و كله بيتكلم عن جريمة اشخاص قذرين و ليس جريمة دينية..
الوعي نور..
و لا يصح إلا الصحيح..
و لن اتوقف يوما عن قول الحق حتى لو لم يعجب احدا..
اعدموا المجرمين علنا..
لكن لأنهم مجرمين ارتكبوا فعلا شنيعا و ليس لأنهم من دين معين..
البلد على فوهة بركان..
بركان سيدمر كل شئ..
و لا يغنى حذر من قدر..

سلسلة كتاب

سمعت فيديو لواحد باين عليه معروف اعلاميا اسمه اسامة منير..

بعيدا عن سماجته الشخصية..
و سفالة المقارنة في ما يعرضه..
و استهتاره بدور العبادة الاسلامية و المسيحية..
و غباء و قذارة الرد..
هو انت مش واخذ بالك يا اخ اسامة ان اللى انت بتقوله ده اسمه بالعامية المصرية: :
شقط!!!!

انت فاهم انت بتقول ايه؟
و بتتهم البنت اللى رايحة مكان العبادة بايه؟
و بتتهم الولد اللى موجود في مكان العبادة بايه؟
هو ميتين ام الاعلام ده ملوش كبير؟؟

حد يلم ولاد الوسخه دول من قدام الشاشات!!!
و لا انتم طالبه معاكم تقلبوها فتنة طائفية بالأمر؟؟
الا حماقة أعيت من يداويها..
لا قبل لأحد بما هو قادم
البسوا علشان خارجين باي..

#تامر_شيرين# كفاية# يكش_يولع# الحرية_للمهندس_ليحيي_حسين_عبد_الهادي
#الحرية_للمعتقلين



شورش هورش برشورش..

شبيك لبيك

عبدك بين ايديك..

قاعد فاضى قررت أحضر روح كمال

بك الشاذلي و أسأله عن وزير التعليم

●●يا كمال بك

لو انت معانا النهاردة

حتتعامل ازاي مع قصة وزير التعليم



حكم المحكمة كمان شهر؟؟

نطلع منها ازاي دي يا كبير؟؟

○○شوف يا تمور..

١-القاعة تتملئ بالأمر بكل أنواع الاعلام فى جلسة علنية..

٢-يصدر الحكم المتوقع بثبوت تزوير الوزير للشهادات المقدمة منه عند تعيينه
وزيرا..

٣-يتم قراءة اسباب الحكم علنا و يسمح للإعلام بالتسجيل و النشر..

٤-تمتتع الحكومة عن استئناف الحكم و يتم الإعلان عن اجتماع حكومي مصغر
تاني يوم يضم رئيس الوزراء و وزير التعليم و كل وزراء الاختصاص..

٥- يتم فى الاجتماع قبول استقالة الوزير من منصبه فوراً..و تعيين قائم بأعمال الوزارة لحين تعيين وزير جديد..

٦- تصدق رئاسة الجمهورية على القرار فى نفس اليوم و ينشر فى الجريدة الرسمية..
٧- حملة اعلامية مركزة عن كيف احترمت الوزارة حكم القانون و ان دولة القانون فى مصر عندما ترى الخطأ المبين لا تستجيب لأي ضغوط و تصدر حكمها خالصا لصالح الوطن..

٨- حملة اعلامية مكثفة كيف ان الرئيس لم يحاول ان يحافظ على وزير ثبت عدم صلاحيته و استجاب لحكم القضاء

٩- قضاء مصر عادل و لا يخاف من احد لا وزارة و لا رئيس..

١٠- الرئيس وقاف عند الحق..

١١- الرئيس ليس ديكتاتورا كما يحاول معارضوه تصويره..بل رجل يحكم على الأمور بهدوء و مستندات و وقائع

١٢- و بدل ما تبقى فضيحة لمدبولى و وزارته نقلابها نصر للرئيس و حكمته و عدله و رؤيته..

عايز حاجة تانية يا تمور؟؟

●● مين اللى المفروض ييجى وزير يا كمال بك؟؟

○○ وزارة التعليم دى مقبرة..

لو مفيش نية اصلاح كامل لو جبت مين باللذي حيفشل و حيتاكل لو معوش دعم مباشر من الرئيس و ميزانية مفتوحة..

●● طيب نعمل ايه؟؟

○○ عين وزير من المعارضة!!!!

هات معارض صوته على و عينه وزير تعليم و دلعه و خلى الصحافة تدعمه كمان..

و لما يفشل و مراكز القوى فى وزارة التعليم تكفر اللى جابوه نطلع حملة فى الصحافة عنوانها::

آدى رجالة المعارضة ساعة الجد!!!







حمير ملهمش فيها!!!!
و العيب مش فى منظومة الحكم و لا الوزارة و لا ولا و لا...
العيب فيكم يا شعب..
و احرق المعارضة شويتين كده..
فى اسئلة تانية يا عم تامر؟؟
لا يا كبير...الله يرحمك
الشغلانة لمت من بعدك..
بس خلاص



تمت بحمد الله ويليه شهر ذو الحجة ١٤٤٧ هـ



صدر من هذه السلسلة للدكتور



مع تحيات

موسوعة اعرف دينك للعلوم الشرعية

